





Röpl. 81.



Der Durchleuchtigsten Hochgebornen frawen/frawen

Marie geborne Königin zu Hispas
nien zc. Königin zu Hung

gern vnd Behemen zc.

meiner gnedigsten
frawen.

Ex Museo
Hungarico

Gnad n. trost von

Got vnserm vater vnd Herrn Jesu Chri
sto. Gnedigste fraw Königin/ ich hatte
mir fürgenumen/ durch frummer leute an
geben/ *E. R. M.* diese vier Psalmen zu zu
schreyben/ zur veramung/ das *E. R. M.* solte frisch
vñ frölich anhalten/ das heylige Gottes wort in Hun
gerlandt zūfördern/ weyl mir die güte mehr zu kamen/
das *E. R. M.* dem Euangelio geneygt were/ vnd doch
durch die gotlosen bischoffe (welche in Hungern mecht
tig/ vñ fast dē meyste dynne habē sollē) seer verhindert
vñ abgewendet wurde/ Also/ d; sie auch etlich vnschul
dig blāt haben vergiessen lassen/ vnd gewaltich wider
die warheyt Gottes getobet. Aber nun sich in des/ layt
der die sache/ durch Gottes gewalt vñ verschung/ also
gekeret hat/ das der Lärche disen tamer vnd ellend hat
angericht/ vnd das edle junge blāt König Ludwig *E.
R. M.* liebes gemahel/ nider geschlagen/ hat sich mein
fürnehmen auch müßer vmbketen. Setzen nun die Bis
choffe das Euangelion lassen gehen/ so müßte yetz alle
welt vol geschreyes sein/ das solt er fall vber Hungern
landt kummen were/ der Luth. *Hen* Fegerey halben/

Welch eyn lestern solt da worden seyn? Wenn sie nun
wöllen die schuld geben/ inigen sie zu sehen/ Got hats
(als ich sehe) verweret/ das solch lestern keine ursache
entstande.

Wie dem allen/ weyl *S. Paulus* schreybt zum *Rö
mern*/ das die herlige schrifft sey eine trostliche schrifft/
vñ lere vns gedult/ So habe ich dennoch fort gefaren/
vñ die selbigen Psalme lassen außgehe/ *E. R. M.* zu trö
sten (so vil Got vns tröstet vnd gibt) in disem grossen
plöglighen vnglück vnd ellende/ damit der almechtige
Got *E. R. M.* zu diser zeit heym sucht/ nicht außzorn
oder vngnaden/ als *r.* ich sollen hoffen/ sunder zu
züchtigen vnd zu ver. *d.* auff das *E. R. M.* lerne
trawen alleyn auff den rechten vater/ der im hymel ist/
vnd sich trösten des rechten Brewt egames Jesu Chri
sti/ der auch vnser brüder/ ja vnser fleysch vnd blāt ist/
vnd sich erzeigen/ mit den rechten freunden vnd trewen
gesellen/ den lieben Engeln/ die vmb vns sind vñ vnser
pflegen/ Dañ wie wol es *E. R. M.* ein bitterer schwerer
tode ist/ vnd billich sein sol/ so frue eine witwe/ vnd des
lieben gemahels beraubt zu werden/ so wirdt doch wi
derumb die schrifft/ sunderlich die Psalmen *E. R. M.*
da gegen vil güts trostes geben/ vnd den suessen/ lieb
lichen/ vater vnd sun/ gar reichlich zeigen/ darinn das
gewisse vnd ewiges leben verborgen ligt/ Vnd fürwar
welchen es da mag hin kummen/ das er des vaters liebe
gegen vns/ in der schrifft kan sehen vnd fülen/ der kan
auch leichtlich ertragen/ alle das vnglück/ das auff ero
den seyn mag. Widerumb/ wer die selbige nicht fület/
der kan auch nicht recht frölich seyn/ wenn er gleych in
aller welt wollust vnd freuden schwumme/ Es kan ja
keinem menschen/ solch groß vnfall widerfaren/ als Got
dem vater selbs widerfaren ist/ das man seyn liebsten
kindt für alle seyne wunder vnd wolthat/ zu letzt/ ver
speyt/ verflucht/ vñ d des aller schendlichsten todts am
creutz tödtet/ wie wol ym yeglichen sein vnglück/ das

größest dunckt/ vnd mehr zu hertzen/ dann Christus
crenzt/ wenn er gleych zehen crenzt hette erlitten. Das
macht/ wie sind nicht so stark von gedult/ als Got ist/
drumb thün vns geringer crenzt mer wehe/ dan Chri-
stus crenzt. Aber der vater der barmhertzigkeit/ vnd
Got alles trostes/wolte E. R. M. trösten in seinem sun
Jhesu Christo/ durch seinen heyligen geyst/ da sie dises
elendes bald vergesse oder doch manlichen tragen kün-
de/ Amē. Zu Wittenberg am ersten des Wintermonds.

1 5 2 6

E. R. M.

Illiger Diener
M. Annus Luther.

Der Siben vnd dreyßigst
psalm/zu trösten die jenigen/so vn-
gedultig sind/ das die gotlosen vñels thün
vnd doch so lange vngestraft in grossen
glück bleyben.

Gürne dich nicht vber dem bösen/ Sey
nicht neydisch vber den vñelthetern.

Wie gleich zu greyst vnd trifft der prophet des her-
zen gedanken in diser ansehung/ vnd hebt auff alle
versach der selben/ vnd spricht zum ersten. O mensch du
bist zornig/ hast auch versach/ als dich dunckt/ dann/ es
sind böse menschen/ vnd thün vnrecht vnd vil vñels/
vñ gehet in dannocht wol/ das die natur achtet redlich
versach des zorns hie sein/ Aber nicht also liebes kindt/
lass gnade vnd nicht natur hie regieren/ Brich den zorn/
vnd stille dich ein kleyne zeyt/ lass sie vñel thün/ lass inen
wol gehen/ Höre mich/ es solle dir nicht schaden. So

spricht des mensch/ Ja wenn wirds dich auff hören?
Wer mag die lenge halten? Antwortet er.

2 Denn wie das gras werden sie bald abge-
harven werden/ vnd wie das grüne kraut wer-
den sie verwelcken.

Eyn feyne gleychnuß ist das/ schrecklich den gleych-
nern/ vnd tröstlich den leydenden/ Wie fein hebt er vns
auff vnserm gesicht/ vnd setzt vns für Gottes gesicht/
Für vnserm gesicht/ grünet/ blüet/ vnd meret sich der
gleychnen hauff/ vnd bedeckt alle welt ganz/ das sie al-
leyen etwas scheynen/ wie das grüne gras die erden deckt
vnd schmückt.

Aber für Gottes ge. d. das sind sie: Zew/ das man
schier machen sol/ vnd ye höher das gras wechset/ ye ne-
her im die senssen vnd hew gabeln sind. Also ye höher/
weyter/ die bösen grünen vnd oben schweben/ ye neher
je vnter ligen ist/ Warumb wöltestu dann zürnen/ so je
böshert vnd glück so eyn furz wesen ist? So sprichstu
dich/ was sol ich die weyl thün/ woran sol ich mich halten
biß das solchs geschehe? Höre zu grosse verheißunge.

3 Hoffe auff den H. E. E. T. vnd thū gñts/
bleybe im lande vnd neere dich im glauben.

Da nimbt er alle vngedultige gedanken ganz da-
hin/ vnd setzt das hertz zu rüge/ als solt er sagen/ liebes
kind/ lass deyn vngedult/ vnd flüche oder wunsche im
nichts böses/ Es sind menschliche vnd böse gedanken.
Setze deyn hoffnung auff Got/ warte was er dir an-
machen wil/ gehe du für dich/ lasse vñb nianands wil-
len gñttes zu thün/ wie du angefangen hast/ wo vñnd
welchen du magst/ vñ gib nicht böses vñb böses/ sun-
der gñts vñb böses.

So du aber auch dechtest/ du wöltest fliehen vñ an
eyn ander ort ziehen/ das du je loß würdest vnd von in
kamest. Auch nicht also/ bleyb im lande/ wone wo du
A ij

Bist/wechsel oder wandel vmb seint willen nicht deyn
wohnung oder landt/ Sunder neere dich im glauben/
treib deyne arbeit/ vnd handel wie vor hyn/ hyndern
oder beschedigen sie dich/ vnd geben dir vrsache zu flie-
hen/ so laß faren/ bleyb im glauben/ vnd weyßel nicht
Got wirdt dich nicht lassen/ thū nur das deine/ arbeite
vnd neere dich/ vnd laß in walten.

Solt nicht auff hören dich zu neeren/ ob sie dich an
eynem stück hyndern/ Got/ so du hoffest/ gibst dirs am
andern ort/ wie er Abraham/ Isaac vnd Jacob thet/ die
auch also versucht wurden.

4. Haß deyne lust am **HEREN**/ der wirt
dir geben/ was dein hertz wünscht.

Das ist laß dichs nicht verzeihen/ das Got sie so
leßt wol faren/ laß die solchen seynen willen wol gefal-
len/ so vergehet die die vnlust vber der gotlosen glück/
ja erluste dich drinnen/ als in dem aller besten vnd göt-
lichen willen/ sihe so hastu dise tröstliche zusagung. Er
wirdt dir geben alles was dein hertz begeret/ was wiltu
mer habē? Sihe nūr zu/ das du an stat des verdriessens
so du von ihnen erschepffest/ übest dise lust vnd wolge-
fallen in götlichem willen/ so werden sie dir nicht allein
keyn schaden thūn/ Sunder deyn hertz wirdt auch wol
frids sein/ vnd frölich warten diser zusagung Gottes.

5. Befelß dem Herren deyne wege vnd hoffe
auff in/ er wirdts wol machen.

Nicht das du müßig soltest gehen/ Sunder deyne
wege/ werck/ wort vñ wandel/ den befihl Got/ kere dich
an sie nicht/ Dann es müß nicht Got also befolhen wer-
den/ das wir nichts thūn/ Sunder was wir thūn/ obs
von den gleyßnern versprochen/ verschmecht/ gelestert/
oder verhindert wirdt/ sol man drum nicht wech wer-
den noch ablassen/ Sunder ymmer fort faren/ vñnd sie
lassen iren müßwillen haben/ Got die sache befehlē/ der
wirds wol machen/ auff beyden seiten/ was recht ist.

6. Vñ wirt deyne gerechticheyt herfür bringē
wie das liecht/ Vñ dein recht wie den mittag.

Diß ist die größste sorge der weydingen/ das sie
verdrossen werden vber die gotlosen/ das ire bosshēy so
scheynet vñ wol gehalten wirdt/ Daß sie sorgen/ ir sache
werde verdriert vnd verfinstert/ weyl sie sehen der wi-
der part wüten so hoch faren vñ oben schweben/ Dar-
umb tröst er vnd spricht/ Laß sein liebes kindt/ das sie
dich/ dein sache/ mit wolcken vñ plaz regen verdriert
Vñ im ansehe vor der welt/ gar zu nichte machen vñ in
finsterniß begraben/ ir sache empor schweben vñ leuchte
wie die Sonne/ Befilhe. Got deinen handel/ hoffest
vnd wartest auff in/ so se gewiß/ dein recht vñ gerech-
tigkeyt wirdt nicht im finstern bleyben/ sie müß herfür/
vnd yederman so offentlich bekant werden als der helle
mittag/ das alle die zu schanden werden/ die dich ver-
drückt vñ verdunckelt haben. Es ist nūr vmbs warten
zūthūn/ das du Got in solchem fūrenemen/ durch deyn
zūrenen/ vñmüt/ verdriessen nicht hunderst/ Drum ver-
manet er aber ein mal.

7. Halt dem **HEREN** still vnd laß in mit
dir machē/ Erzürne dich nicht über dem man
de n es wol gehet/ vnd thut nach seynem müß-
willen.

Als solt er sagen/ Es wil dich verdriessen/ das du
in rechter sachen vñglück empfindest/ vñ thenen in bos-
shēy wol gehet/ vnd wil nicht wie du gerne wölest/ vñ
statten gehen/ vñ sihest doch/ das dem vnrechten nach
allem seinem müßwillen gehet/ das ein sprichwort hier/
auff geflossen ist/ ye größer schalck/ ye besser glück. Aber
sey weyse liebes kindt/ laß dich das nicht bewegen/ halt
auff Got/ deines hertzen begird wirdt auch kummen
gar reichlich/ Es ist aber noch nicht zept/ Es müß des
schalcks glück vergehen vñ sein zept haben/ Bist fürher

kumbt/in des müßtu Got Befelhen/in im dich erlusten/
seinen willen dir gefallen lassen/auff das du seinen wil
len in dir/vnd in deinem feinde/nicht hinderst/wie die
thun die nicht auffhören zu wüeten/sie haben dann je
ding/eintweder mit dem kopff hindurch/oder zu drüm
mern bracht.

Er brauchet hie eyn seyn Ebreysch wort. Sile et for
mare ei. Schweyg vnd mach dich schickerlich/gleych
wie eine frucht in müter leyb sich Got machen leßt/also
bistū in diesem fall auch in Got empfangen/vnd er wil
dich machen zu rechter gestalt/so du still haltest.

8 Stehe ab vom zorn vnd laß den grym/Er
zürne dich nicht/das du auch übel thust.

Siehe/wie fleysig warnet er/das wir ja nicht böses
mit bösem vergelten/nach den bösen volgen vmb iren
glücks willen/wie die nater pflegt zu treiben/Vnd was
hilfft solcher zorn? Es macht die sache nicht besser/Ja
fürer sie nur tieffer in den schlaam/Vnd obs schon auff
aller beste geriete/das du oben legest vnd gewunnest/
was hastu gewonnen? Got hastu verhindert/damit
seyn gnade vnd gunst verloren/vñ den bösen vbelthet
tern bistū gleich worden/vnd wirst gleich mit jnen ver
derben/wie volget.

9 Denn die bösen werde außgerottet/Die aber
des HERRN harren werde das landt erben.

Es hilfft dich nicht/das du nicht angefangen hast/
od gereyzt seyst/Daß es ist ein schlecht frey vrtail/wer
vbel thut/gereyzt oder vngereyzt/der wirdt außgerot
werden/Das siehet man auch für augen in aller welt/in
allen geschichten.

Aber wer auff Got wartet/der bleybt/das neben im
untergeht der vbelthetter/wer nur so lange harren kün
de/Die bösen menschen sind so gar reiff/das sie nie
mandt vertreybet/so mügen sie sich selbs nicht enthalte
ten/sie richten ein müthwillig vnglück an vber iren hale

das sie zu sehung vertilget/das das reiff gras/müß hew
werden/vnd solts an im selbs auff dem stam verdorren
Es ist ein böser mensch niemandt so vntreglich vñ ver
derblich als im selbs/das sehen wir an den mördern/
dieben/tyrannen/vnd der gleichen exempel.

10 Es ist noch vmb ein kleyne/so ist der got
lose nymmer/So wirstu auffseyne stet achten
vnd er wird nicht da seyn.

Das verfleret/was droben gesagt ist/das sie sind
wie das gras/das schnell abgehawen wirdt da mit vn
ser vngedult gestillet werde/welche sich fürcht/die got
lösen bleyben zu lange. Wöchstest aber sagen/Ja ich se
he wol/das die vnrechten gemeyniglich lang bleyben
auch mit ehren zum grabe kumen.

Antwort/das geschicht gewislich darumb/das der
ander teyl sich nicht nach diesem Psalm gehalten hat/
Sonder die sache mit zorn/wüeten/grimmen/klagen/
vnd schreyen verhindert vnd verderbet hat/Darumb/
weyl niemand da ist gewesen/der seyn sach Gott Befoh
len hette vnd seynes willens gewartet/so ist das vnteyl
des nehisten vorigen vers vber beyde teyl gangen/vnd
sind vertilget alle sampt/die do vbel than haben. We
re aber eyn teyl zu Got bekeret/so were doch das ander
teyl gewislich vnd eylend alleyn vnter gangen/wie die
ser vers sagt.

Drumb sehen wir yetz dises Psalmen exempel in
der welt nicht/Denn ein yeglicher leßt Got faren durch
vngedult/vnd vnterstehet sich mit rechten oder fechten
zu schützen/damit wirdt Got an solchen werck verhin
dert/das diser Psalm von im prieset.

11 Aber die elenden werden das land erben/
vnd lust haben in großem fride.

Dis bestetiget auch das droben ist gesagt/wie die
gerechten bleyben/nach dem verderben der vbeltheter.

Nicht das sie ewig auff erden bleyben/sonder das ir sache zum ende vnd freiden mit ehren kumpt/auch auff erden/Welchen freide sie mit leyden vnd gedult vn innerlichem freide verdienet haben.

12 Der gotlose diuwet dem gerechten /vnnnd Beysset seyne zeene zusammen vber jr.

Das ist aber zu trost den weychlingen gesagt / die der gotlosen toben nicht wöllen leyden/vnd verdreust/das sie Got nicht bald strafft vnd so wol dazü gehen lezt. Ich nenne impium cyn gotlosen/denn es heysset eygenlich den /der auff Gott nicht trawet noch glaubt/der aus jm selbs vnd seynem freyen willen/nach in der natur lebt/als denn sonderlich sind die gleyfner/die gelerten vnd scheynende heyligen/als zu vnsern zeiten sind Pöpst/ Bischöff/Pfaffen/Älten/Doctores/vnd des gleychen volcks/welch von natur müssen wüeten wiß dz heylig Euangelion/als wir sehen/das sie auch weydlich thun/Aber was hilfft sie jr wüeten vnnnd tobent Höre was da folget.

13 Aber der HERR lachet seyn/Denn er sihet das seyn tag kumpt.

Wie möcht vns eyn stercker trost geben werdē/das die wüetende feynde der gerechten /alle ire macht vnd Bosheyt für wenden/maynen mit ganzem ernst den gerechten (das ist den glaubigen vnd Got) mit zeenen zu reysen/vnd Got sie so gar veracht/das er jr lacht/Darumb/das er ansihet/wie kurz sie wüeten werden /vnd jr tag nicht ferne ist. Nicht/das Got/wie eyn mensch lache/sonder das es lecherlich ist an zusehen in der warheyt/das die tolln menschen so fast wüeten/vnd groß ding fürnemen/des sie nicht cyn harbreyt mügen aufferichten/ Gleich als ein lecherlicher narr were/der ein langen speiß vnd kurzen degen neme/vnd wolt die Sonnen vom hymel herab stechen / vnd iauchzet eyn mal drauff/als het er ein redlichen stich than.

14 Die gotlosen zihen das schwerdt aus vñ spannen iren Bogen /das sie fellen den elenden vnd armen /vnd schlachten die so aufrichtig gehen im wege.

Schwerdt vnd Bogen heysen hie/die vergiftigen bösen zungen/damit sie lestern/schmehen/verleeren/verklagen vnd schenden die sache des gerechten /auff das die frommen in hass/verfolgung/vnd zum todt möchten dadurch kumen vnd vertilget werden.

Also spricht Psal. xxiij. Der menschen kind zunge sind waffen vnd pfeyle/vnd ir zungen ist eyn scharffs schwerdt/damit haben sie nach dem gerechten /ob sie in fellen möchten/vnd schlachten (das ist) nicht alleyn tödten/sonder nach irem mütwillen in jm wülen vnd sudeln.

Er nennet auch die gerechten/den geringen vnd armen/Darumb/das sie für dem grossen hochmütigen schwulst vnd blasen der gotlosen/veracht vnd gering sind. Aber was richten sie aus? Höre.

15 Aber jr schwerdt wirdt in jr hertz gehen/vnd jr Bogen wirt zubrechen.

Das ist/jr böse wort müssen sie wider freffen / vnd ewiglich dran erwürgen/das jr gewissen im sterben damit durch stochen/ewiglich wirt gepeyniget/Dazü der Bogen wirt zubrechen/das alles vergeben ist/vnd sie nichts aufrichten/mit alle irem wüeten/denn das sie in selbs solch vnglück zü richten ewiglich/das arm elend volck/Darumb sol sich ihres hassens vnd schendens niemant entfernen/Es müß also seyn / das sie in selbs das badt in der helle wol bereyten/wiewol die natur solch schwer lesterwort vngern leydet / Doch der geyst nach diesem Psalm gericht/lachet jr mit Got/vnd sihet auff jr ende.

16 Es ist besser das wenige des gerechten/

denn das gros güt viler gottlosen.

Das ist auch verdriesslich der natur/das die gotlosen reich sind vnd jr vil vnd mechtig/aber der gerecht ist arm vnd alleyn/hat auch wenig vnd sie nemen jm dazu das seyne/hindern in auch an der narunge/ Darumb tröst der heylige geyst seyn liebes kind vnd spricht Laß dichs nicht verdriessen das du wenig/sie vil habē laß sie hie reich vñ sat seyn/Es ist dir besser/das du ein wenig habest mit Gottes gunst/denn ob du grosse hauffen güter/nicht alleyn eynes/sonder vieler vñ aller gotlosen hettest mit Gottes vngunst/wie sie haben. Auch höre was für cyn vñteyl geht vber deyn armüt vnd iren reichthumb.

17 Denn der arm der gottlosen wird zübrechen/ Aber der **HER** enthelt die gerechten.

Der arm oder hand/sind der anhang der gotlosen/das jr vil zusammen halten/vnd dadurch sind sie groß mechtig vñ stark/gleich wie yert des Papst arm/sind die Könige/Fürsten/Bischöff/Gelehrte/Pfaffen vñnd Mönch/auff welchs er sich verlesset/vñnd Gott nicht achtet.

Also hat ein yeglicher gotlose den hauffen/die geweltigen auff seyner seyten/Denn reichthumb vnd gewalt hat noch nye/oder gar wenig/auff des gerechten seyten gestanden. Aber was hilffts? Trawe nur Got/es müs alles zubrochen werden/darffst dich darob nicht entsetzen noch dich verdriessen lassen/Gott enthelt dich/du wirst nicht versincken/seyn arm vñ seyne hand ist vber dir/vnd hat dich fest gefasset.

18 Der **HER** kennet die tage der frommen/vnd jr erbe wird ewiglich bleyben.

Got erkennet ire tage/ir gelegenheyt/das ist/diweil sie jm frey glauben/vnd nicht wissen wollen/wenn vñ wie in zu helfen sey/So nympf sich jr Got an/vñ obs

vor den gotlosen scheynet/als hab jr Got vergessen/so ist doch nicht also/Got weyß wol wenn jr zejt ist in zu helfen/wie auch Psal. ix. Got ist cyn helffer zur rechtzejt/vnd Psal. cxi. Meyne zejt stehet in deynen henden Als solt er sagen/Sie sind arm vnd wenig/ihene sind reich vnd mechtig/Aber laß gehen/sie werden dennoch genüg haben vnd keyn not leyden/Got weyß wol/weñ es zejt ist in zu helfen vñnd rathen/welchem sie auch trawen/on eygen hilffe vnd rathsuchen.

Dazu wirt jr erbe sein wenig/nicht alleyn in ihener welt/sonder auch in diser welt/Denn sie werden vñ müssen ymmer genüg haben/ob sie wol nicht vberflüssig vorrad habē/wie die gotlosen/Got ist jr vorrad vñ Kornboden/weynkeller vnd alle jr güt/Darumb auch folget.

19 Sie werden nicht zü schanden in der bösen zejt/vnd in der theurung werden sie genüg haben.

Wenn Krieg oder theure zejt kumpt/so werden die alle zu schanden/die iren trost haben auff ire Kornböde vnd weynkeller oder güt gestellet/denn es ist bald verschlungen vnd vmbbracht/So stehen sie denn vbel vñ mit schanden/die zuuor so mütig vñ stolz gewesen sind/Aber die gerechten/weyl Got jr trost vñ vorrad ist/müssen nicht mangel haben/Es müsten ehe alle Engel vñ hymel kumen vnd sie speysen/denn der vorrad leisset sie nicht mangeln dem sie trawen/weder zejtlich noch ewiglich. Wie aber die gotlosen? Höre zñ.

20 Denn die gotlosen werden vmbkumen/vnd die feynde des **HER**/weñ sie gleich sind wie ein köstliche awe/werden sie doch alle werden/wie der rauch alle wirdt.

Das ist ye nahe geredt/vnd verachtlich geurteilt die

grossen/mechtigen/reychen sunckern. Er spricht/Ob sie
gleich weren die aller reychest köstlichste awe/da vbrig
genüg ynnen wüchse/wie sie denn auch sind / Denn sie
habē genüg/sie sind die güldene/reychē awe in der welt
Dennoch müssen sie vntergehen/sa vergehen / vnd alle
werden/wie der rauch/Wo sind sie /Die zuvor gewesen
vñ groß güt gehabt:Es ist seiner in gedechtnis. Aber
die gerechten sind in güter gedechtnis vñ in alle ehren.

Darüb liebes kindt/laß sie reich sein wie sie wollen
sihe auff's endt/so wirstu finden/wie alles jr ding eyn
rauch ist/darumb das sie Gottes feinde sind/vñ im die
seinen hassen vnd verfolgen/Darzü laß dich das auch
trösten/das er sie nennet Gottes feinde/so doch biß her
sie nür deine feinde genennet sind/Auß das du wissest/
wie sich Got dein also annimbt/das deine feynde/seine
feinde sind.

21 Der gottlose borget vnd zalet nicht/der ge
rechte aber ist Barmherzig vnd mild.

Das ist aber eyn tröflicher vnterscheid der güter/
das der gotlosen güter nicht allern vergänglich sind/
vnd eyn ende haben/sunder auch böse güter sind vnd
vordamlich/darumb das sie nür auff hauffen gesamt
let/vnd nicht den dürfftigen mitgeteylt werden/welchs
wider die natur der güter ist.

Aber der gerechten güt hat nicht allern feyn ende/
darumb das er Got trawet/vnd seyn güt von im war
tet/Sunder ist auch eyn recht nüzlich güt/das andern
wirdt mitgeteylt/vnd nicht auff ein hauffen gesamlet
Also hat er genüg/on allen zeytlichen vorrad/vnd gibt
auch andern gnüg/Das heyst ein recht güt.Zastu nicht
vil/so ist doch götlich vnd nüzlich / Die gotlosen ha
ben vil/aber vnchristlich vnd vnnsüzlich.

Das er aber sagt/der götlose borget/ist nicht zu ver
stehen/das die reychen vñ den menschen güt entleihen/
sunder es ist gesagt/in einer gleychnüß vnd spruchwort

Gleich als der da vil borget vñ nit zalet/strebt darnach
das er nicht wil lang im güt sitzen/Also alle reychen vñ
gotlosen empfangen vil vñ Got/samen vnd borgen vñ
im/vnd zalet in doch nicht/das sie den dürfftigen auß
teylen/darzü es ihnen geben wirdt. Verhalben wirdt jr
güt ein böses endt nemen/vnd wie der rauch vergehen
Das diß die meynung sey/Beweyset das er sie gegen ein
ander helt/den gotlosen vñ gerechten/der einer gibt/der
ander nicht/vnd empfangen doch beyde von Got.

Darumb ist des gotlosen empfangen vergleichet dem
borgen vñ bezalen. Aber des gerechten güt ist nicht bor
gen/nach schuld/sunder frey von Got e mpfangen/vñ
nüzlich gebraucht/im vnd seinem nehesten.

22 Denn seyne gesegneten erben das land/
aber seyne verfluchten worden außgerottet.

Sihe da/Er nennet die gotlosen reychen Gottes ver
maledeyten/vñ die glaubigen Gottes gebenedeyten/
auff das dich ja nichts verdrieße/nach deinem glauben
hyndere/jr groß güt vnd dein armüt/was wiltu mehr?
Ist das nicht trosts gnüg zur gedult?Zastu nicht vber
flüssig wie sie haben/so wirstu dannoch genüg haben/
vnd das landt besizen.

Nicht das du eyn Herr der welt seyst/sunder du
wirst güts genüg haben auff erden/vnd im lande wo
nen mit gutem fride/Dann Got gebenedeyt dich zeyt
lich vnd ewiglich/darumb/das du im trawest/ob du
wol von den gotlosen vermaledeyt vñ beschediget
wirst/Widerumb/die gotlosen reychen/ob sie yetz eyn
zeyt lang vberflüssig haben/so werden sie doch verder
ben/vnd nicht im land vnd güt bleyben sitzen/Sie wer
den gewißlich außgeschüpft vnd eyn ander dieyn ge
setzt/Darüb/das sie Got vermaledeyt vnd in anzeu
cht seyne gnade/zeytlich vnd ewiglich/Denn sie glaubē nit
an in/ob sie wol von menschen gebenedeyt vñ begabt
werden.Darumb/wo die gerechten sind/da habē sie ge

wäg auff erden/vnd bleyben im güt sitzen/ Widerumb die gotlosen werden aufgewurztelt wo sie sitzen in güttern/Das beweysen alle Fürstenthumb/Reych vñ grofse güter/die wir sehen/wie sie hyn vnd her faren/von ey nem geschlecht zum andern.

Sihe/so hastu das vñteil vber die zeytlichen güter/das kürzlich beschloffen ist/der gerecht müs genug haben/vnd der vngerechte verderben/darumb/das der gerecht Got trawet vnd der güter wol braucht/Der got lose trawet nicht/vnd braucht jr nicht wol.

Also lasen wir/das Abraham vnd Lot reych warē/vnd gerne herbergereten die pilger/Darumb/ob sie wol feyn eygen land vnd vorrad hetten/dennoch blyben sie im lande sitzen vnd hetten genug.

23 Von Got werden des mans genge gefodert/vnd hat lust an seynem wege.

Sihe da aber mal trost. Nicht alleyn wirstu zeytlich gütis genug haben/sonder alles was du thüst/dein ganzes leben vnd wandel/auch gegen die gotlosen/wirdt schleunig seyn vnd fort gehen/Darumb/das du Gott trawest vñ im dich vnd deyne säch ergibst/in ganz dey nem leben im gelassen stehst/Damit machstu/das er gefallen/lust/vnd gleych eyn begird hat/deinen weg vñ wandel zu fodern.

Aber da gegen sichtet nu/das solcher Gotgefelliger weg nicht gefodert/ia verhindert vnd verworffen wirt von den gotlosen/das verdreust denn die natur/Darumb müs man sich hie tröste/das Got gefellet/vñ von im gefodert wirt vnser wesen/nicht ansehen die hinder nus vnd verwerffung der gotlosen.

24 Sellet er so wirt er nicht weg geworffen/Denn der HERR erhalt in bey seynen hand.

Das fallen möcht verstanden werden/das der gerechte zu weylen sündigt/aber stehet wider auff/wie Salomon sagt. Aber das lassen wir yetz faren/vñ bleyben auff

auff der ban/das fallen hie heysse so vil/als ob er ey mal vnterlige/vnd die gotlosen obligen/als Dauid/do er von Saul vnd Absolon geiagt wardt/vnd Christus do er gecreuzigt wardt/Dann solchs fallen weret nicht lang/Got leßt in nicht ligen vnd wegt geworffen seyn/sunder ergreyfft seine handt/richt in wider auff/das er müß bestehen.

Damit tröstet der geyst vnd antwortet den heymlichen gedanken/die yemandt möchte haben/vnd bey im selbs sagen. Ja ich habe dannoch etwenn gesehen/das der gerechte hat müssen vnter ligen/vnd ist seyne sache gar in die aschen gefallen für den gotlosen. Ja/spricht er/liebes kindt/lasß das auch sein/Er falle/Aber er wirdt dannoch nicht so ligen bleyben vñ verworffen seyn/Er müß wider auff/ob schon alle welt dran ver zweyfelt habe/dañ Got erwischet in bey der handt/vñ hebt in wider auff.

25 Ich byn jung gewesen vnd alt worden/vnd hab noch nye gesehen den gerechten verlassen/oder seynen samen nach brod gehen.

Sihe/da setz er zu mehrer sicherung/seyn eygen erfahrung/vnd ist auch war/die täglich erfahrung gibts/vñ müssen bekennen alle menschen/das es also sey/Wirdt aber yemand verlassen das er brot suchen müß/So istß gewiß/das es im am glauben gebrochen hat/darumb er auch recht vnd billich verlassen ist.

Aber diß brodt suchen/oder nach brodt gehen/müß man verstehen also/das er nicht hunger leide/oder hungers sterbe/ob er wol arm ist/vnd wenig zinnor hat/Er wirdt gewißlich erneeret/ob er nicht vberigs hat biß auff den andern tag/Gibt im einer nicht/so gibt im der ander/Es müß seyne narung gewißlich kummen/wie wol die sündigen die im nicht geben vnd helfen.

Dañ der arme Lasarus/Luce.xxv. ob im der reiche man nichts gab/ist er dannoch erneeret worden/obs

wol mit armüt zu gieng. Armüt nimbt Got nicht von
seinen heyligen/ aber er leßt sie nicht vnter gehen/ noch
verderben.

26 Täglich ist er Barmhertzig vnd leyhet/vñ
seyne same wird gesegnet seyn.

Das ist von dem habenden gerechten gesagt/ ob er
also sey das er kinder habe / so der selb schon aufsteylet/
gibt vnd leyhet täglich/ dannericht wirdt er gnüg haben
Dann die benedeyung ist/ das sie werden genüg haben/
hie vñ dort/ gar keinen mangel leyden an leybs narung
vnd der seelen heyl/ obs wol zu weylen nicht vberig ist.

Also haben wir/ wie Got die glaubigen handelt/ in
zeytlicher narung vnd iren sachen. das wir ja sicher sein
in beyden stücken/ Er wirdt vns nicht verlassen/ vñnd
werden dartzu genüg haben an der narung/ Vñnd also
gehet es auch gewislich/ so wir glauben/ vnd vns der
gotlosen glück nicht verdriessen noch bewegen lassen/
Darumb widerholet vñ schleust er aber mal vñ spricht.

27 Las vom bösen vnd thue güts/ vnd bleyß
bey ymmer dar.

Als solt er sagen/ laß Got sorgen/ thū nūr du was
güt ist/ vñ laß dich nichts bewegen böses zu thun/ bleyß
nūr wie du bist ymmer dar / vnd laß gehen. was da
gehet/ wie auch S. Peter sagt/ Werfft auff in alle ewer
sorge/ daß er treget sorge vber vns. Vnd Psal. liij. Wiß
all deyn anligen auff Got/ vñnd er wirdt dich wol be-
schickē oder besorgē/ vñ nicht lassen ewiglich bewegē.

28 Denn der Herr hat das recht lieb vnd ver-
leßt seyne heyligen nicht/ ewiglich werden sie
Bewartet/ aber der gotlosen samen wird außge-
rottet.

Darffst nicht sorgen/ das dein recht vnter gehe/ es ist
nicht möglich/ daß Got hat recht lieb/ darumb müß es

erhalten/ vñ die gerechten nicht verlassen werden/ Wess
er ein abgor were/ der vnrecht lieb hette/ oder dem rech-
ten feindt were/ wie die gotlosen menschen/ so hettestu
ursache zu sorgen vnd dich zu fürchten.

Aber nun du weyßt/ das er das rechte lieb hat/ Was
sorgest du was fürchtest du? was zweiffelst du? Ewiglich
nicht alleyn zeylich/ werden seine heyligen erhalten/ vñ
die gotlosen mit feindt vnd allem dem irem außgerottet
Die heyligen alhie/ heysen nicht die im hymel sind/ von
welchen die schrifft selten redet/ Sunder gemeiniglich
von denen/ die auff erden leben/ die da glauben in Got
vnd durch den selben glauben/ Gottes gnad vnd geyst
haben/ davon sie heylig genennet werden/ als wir alle
sind/ so wir glauben warhafftig.

29 Die gerechten erben das landt/ vñ bleiben
ewiglich drymen.

Das ist/ wie droben gesagt ist/ sie haben genüg auff
erden/ dürffens niergent dan bey Got gewarten/ wo sie
wonen in der welt/ Dann Got leßt sie nicht/ Leßt er sie
aber/ so sind sie gewislich vnrecht vnd gotlos/ on glau-
ben vñ trawe in Got. Vnd also ist das beschlossen/ das
wir nūr güt thun/ vñ bleyben auff der ban vñ im lande/
lassen in sorgen vnd machen. Nun volgt was die sache
sey des gerechtē/ darob solchs wesen sich erhebt/ zwischē
inen vnd den gotlosen.

30 Der mund des gerechten gehet mit weyß-
heyt vmb/ vnd seyne zunge redet vom gericht.

Darüber hebt sich der hader/ Die gotlosen wollen
die götliche weyßheyt vnd recht nicht hören/ verfolgen/
verdammnen vnd leßtern es für narreheit vñ vnrecht/ vñ
gehet den selben schelcken eine weyle wol drob/ Das ver-
drisset denn vnd bewegt natürlich den gerechten/ vnd
werden dardurch gereyhet zum bösen vnd widergeten
oder vngedult.

Darumb leret sie diser Psalm stil halten/ vñ ymmer
fort faren/ ymmer leren/ richten vnd reden/ solche weyß-
heyt vnd recht/ Got die sach Befelhe/ ihene lassen beyßsen
wüten/ scene knirschen/ leßtern/ schlagen/ schwerdt blö-
ßen/ Bogen spannen/ sich heuffen vnd stercken 2c. wie ge-
sagt ist/ Dann Got wirds wol machen/ so wir sein nur
gewarten/ vnd ymmer auff der Ban bleyben/ vnd vmb
rentwillen nicht auff hören oder nachlassen gûts zu
thûn. Es müß doch zu letzt das vrteyl dises verses bley-
ben vnd fund werden wie der helle mittag/ das der ge-
rechte hat recht vnd weyslich geredt/ die gotlosen sind
narren vnd vnrecht gewesen.

31 Das gesetz seynes Gottes ist in seynē hertzen/ Seyne tritt gleytten nicht.

Darumb redet er recht/ vñd richtet weysheyt/ das
Gottes gesetz/ nicht in dem bûch/ nicht in den oren/ nicht
auff der zungen/ sunder in seinem hertzen ist. Gottes ge-
setz mag niemant recht verstehen/ es sey im dann im
hertzen/ das ers lieb habe vñ lebe darnach/ welchs thât
der glaub in got. Darumb ob die gotlosen wol vil wort
machen von Got vnd seynem gesetz/ thûnen sich der
schrifft lerer vnd erfarn/ so reden sie doch nymer recht/
noch weyslich/ daß sie habes nicht im hertzen/ darumb
verstehen sie sein nicht/ Es betreugt sie der scheyn/ das
sie die wort vnd schrifft fûren/ vnd drob wüten vnd ver-
folgen die gerechten.

Item/ des gerechten tritt schlipffern nicht/ Sunder
gehen gewiß frey einher in gûtem gewissen/ Darumb
das er der sach gewiß ist/ vnd mag nicht verfûret wer-
den durch menschen gesetz vñ nebenlernen. Aber die got-
losen fallen vnd schlipffern allzeit hyn vnd her/ haben
keyn gewissen tritt/ Darûb/ das sie Gottes gesetz außser
dem glauben nicht recht verstehen. Vnd also faren sie
hyn vnd her/ wie sie jr dunckel fûret/ oder menschen ge-
setz leret/ yetz diß/ yetz ihenes werck/ yetz leret man sie

stuss/ yetz so/ vñ schlipffern hyn/ wo man sie hyn fûre/
mit der nasen/ ein blinder den andern/ Darumb wie sie
nicht recht verstehen/ so wandeln sie auch nicht recht.
Noch wüten sie vmb solch jr schlipffernig lere vñ leben/
wider die gewisse lere vñd leben der gerechten/ wöllen
yetz ding alleyn bestetigen.

32 Der gottlose sihet auff den gerechten/ vñ gedencket in zu tödten.

Es verdreust in vñ kans nicht leyden/ das man seine
lere vnd leben strafft/ als ein vnrecht vnweyslich wesen
Darumb dencket er nicht mehr/ dann wie er seine sache
befestige. Nun kan er für dem gerechten nicht/ welcher
leßt sein vnrecht nicht vngestraft/ Darumb treybt in
seyn falsches wesen da hyn/ das er des gerechten loß
wirdt/ in vmbbringe/ damit seyn wesen recht vnd vn-
gestraft bleybe/ Wie der Babst vnd die seynen allzeit
vnd noch thûn/ die wir wol sehen/ das sie Gottes gesetz
auch schier nicht in den bûchern haben/ schweyg dann
im hertzen. Noch wöllen sie die seyn/ die da weysheyt
richten vñ recht leren/ wüten vnd rasen drüber/ wie die
tollen hunde/ on auff hören.

33 Aber der HERR leßt in nicht in seynen henden/ vnd verdampft in nicht wenn er verur- teylet wird.

Got leßt den gerechten wol in jr handt fûren/ er ver-
leßt in aber nicht drinnen/ Sie mügen in nicht dampf-
ten/ weñ sie in gleych tödten/ dazû hilfft jr vrteyl nicht/
ob sie gleych thûnen/ sie thun es an Gottes stat vnd in
Gottes namē/ daß Got richtet dz gegē vrteyl. Ds sehen
wir auch zu vnsern zeitē/ Der Babst mit den seinen/ ha-
be Johanne Zuss vñ dampft/ noch hilfft sie kein vñdammē
keyn schreyen/ keyn plerren/ keyn wüten/ keyn toben/ keyn
bulle/ keyn bley/ keyn sigel/ keyn Bañ/ er ist herfor bliben
allzeit/ da keyn Bischoff/ keyn Vniuersitet/ keyn König/
B ij

Keyn Fürst etwas wider vermocht/welchs noch nie von
Keynem Keger gehört ist/ Der cynige todte man/ der vn-
schuldige Abel/macht den lebendigen Kain den Babs
mit allem seynem anhang zu Keger/abtrinnigen/mör-
dern/Gottes lehrern/solten sie sich drob zu reysen vnd
bersten.

34 **S**arre auff den **XXXVII** vnd bewars
seyne weg/so wird er dich erhöhen das du dz
land erbest/wen die gottlosen außgerottet wer-
den/wirstu sehen.

Abemal vermanet er auff Got zu trawen vnd güt-
tes thun/Darumb das die vngedrochene blöde natur/
sich schwerlich ergibt vnd auff Got erweget/das sie ge-
warte/das sie mer gent sihet noch empfindet/vnd sich
des eussere/das sie sichtiglich empfindet.

Nun ist auch gnügsam gesagt/wie die Besitzung des
landes zu verstehen sey/Nemlich/das ein gerechter be-
leybt vnd genüg hat/auch auff erden/darzu wo er zu
wenig hat zeytlich/hat er desto mehr geystlich/Wie
Christus leret/vnd spricht. Wer einerley verlesset/der
sol es hundertfältig wider haben auff diser welt/Vnd
darzu das ewige leben. Wie wol ich nicht widersehte/
das solchs erden besitzen mücht verstande werde/nicht
von einem yegklichen gerechten in sunderheyt/sunder
von dem hauffen vnd der gemeyne/ob wol villeicht et-
liche zeytlich vertilget werden/dannoch zu letzt je same
vñ lere oben bleybt/wie die Christen in der welt bliben
sind/vnd nie vergangen/ob je wol vil von den Heyden
zeytlich gemartert vnd vertilget werden/wie Psal. cxi.
auch sagt. Selig ist der man der Got fürchtet/vnd an
seinen gebotten lust hat. Sein same wirdt regieren auff
erden/vñ das geschlecht der gerechten wirdt vermehret
werden 2c.

Doch wie gesagt/vber das alles hat eyn yegklicher
auch für sich selbs genüg/vnd Got gibt im auch was

er darff vnd bittet/Vnd wo ers nicht gibt/da ist es ge-
wislich der gerecht so willig/das ers nicht haben wil
von Got/vnd wehret Got das ers im nicht gebe/so gar
eins ist er mit Got/das er hat vnd nicht hat/wie er nür
wil für Got/wie Psal. cxliij. sagt. Got thut den willen
der/die in fürchten/vnd erhört jr bitten vñ hilfft inen.

Das er hie sagt/Du wirst sehen wenn die gottlosen
außgerottet werden/ist nicht vñ einem schlechten sehen
gesagt/Sunder nach dem brauch der schrift heisset es
sehen nach seinem willen/oder das er lengest gerne ge-
sehen hette/wie wir auff Teütsch sagen/Das wölt ich
gerne sehen. Auff die weise sagt Psal. liij. Du hast mich
auß allem vbel erlöset/vñ meine augē haben gesehe me-
ne feinde/das ist. Ich hab meinen willen an in gesehen
das ich erlöset vnd sie vertilget sind. Item Psal. cxi. Der
gerechte wirdt nicht bewegt werde/bis das er sehe seine
feinde. Item Psal. xc. Du wirst mit deinen augen sehen
Vnd die straffe der gottlosen wirstu schauen.

Widerumb von den feinden sagt Psal. xxxij. Sie
haben iren mündt weyt auff gethan vnd gesagt/Es ja/
Es ja/vñser augen haben gesehen/das ist/er ligt dar-
nider/Es ist geschehen/das wir lengest gerne gesehen
hätten. So auch Micheas. Aspiciat in Zion oculus no-
ster. O das vñser auge sehen möchte in Zion/das ist/O
das Zion vber gienge/das wir gerne sehen. Also hie
auch/du wirst sehen was du gerne gesehen hettest/wen
die gottlosen außgerottet werden. Dife weyse zu reden/
ist fast gemeyn in der schrift.

35 **I**ch sehe eynen gottlosen mechtig/vñnd
eyn gewurtzelt wie eynen grünender lorber-
baum.

Sie setz er die ander erfahrung zu eynem exempel vñ
zeychen vom gottlosen/Dioben hat er eine erfahrung ge-
sagt vñ dem gerechten/das er noch nie Keynen hab sehen
verlassen/Sie sagt er eine erfahrung vom widerteyl/von
D iij

dem gotlosen/wie der vergangen sey/ vnd spricht. Er war reich/mechtig/groß/das sich yederman für ihn forchte/ vnd was er sagt/ thet/ ließ/ das war gesagt/ gethan/ gelassen/ Dann eyn solchen bedeyt das Ebreisch wörllein/ Aritz/das ich hab vertheüschet/mechtig. Das bedeyt auch das er darzu thut. Er brüster sich vnd war fürbrechtig/ thet sich herfür/ war etwas sonderlich für allen/macht sich preyt vnd hoch/ gleych wie ein Lorbeerbaum für andern Bawmen allheydt grünet/vnd etwas sonderlich pranget für allen/sonderlich für den samen Bawmen oder garten Bawmen/Ist auch nit ein schlechter busch oder nidiger Baum/des man auch warten vñ pflegē muß/welchs man dē wilden bewmen vñ Cedern nicht thut. Also muß man auff disen gotlosen jundern auch sehen/ vñ sprechen/ Gnediger herr/lieber junder.

36 Da man fürüber gieng/sihe da war er da hyn/Ich fraget nach ihm/da ward er nyergēd funden.

Sölch exempel hat David/an dem Saul/Achitophel/Absolon/ vnd der gleychen wol gesehen/Welche mechtig waren in irem gotlosen wesen/vñ ehe man sich umbsahe/ waren sie da hyn/das man fragen vñ sagen möcht/wo sind sie hyn? Ist nicht war? Zu vnsern zeyten ist der Pabst Julius auch ein man gewesen/Welch ein Aritz vñ gewlicher herr war das? Ist er aber nicht verschwunden ehe man sich versach? Wo ist er nun? Wo ist seyn trogen vnd brachten? Also sollen wir nür still halten/sie werden alle also verschwinden/die yetz wñten/vnd wñllen den hymel zerstören/ vnd selfs umbstossen/Last vns nür schweygen eyn wenig/vñ für vber gehen/wir werden vns schier umb sehen/vñ ire keynen sehen/so wir nür Got trawen.

37 Bewar die frümkeyt vnd schaw waz auff richtig ist/Den zu letzt wird derselbe frid habē.

Dz ist so vil gesagt/als Paulus Tit. ij. Sey nür recht geschaffen im einfeltigē galubē zu Got vñ wandel auff richtig vñ redlich/darauff sihe allein/vñ richte dich dar eyn/ laß gotlosen gotlosen sein/Sihe/ so wirstu zu letzt fride habē vñ wilt dir wol gehn. Die Ebreische sprache hat die art/das/wo wir auff Teütsch sagen/Es gehet ihm wol/ er gehabt sich wol/es stehet wol vmb ihn/Vnd auff Latinißch/Valete/ Vene habete ic/das heyst sie fride haben.

Also Gene. xxxvij. sprach Jacob zu seinem sun Joseph/ Gehe hin in Sichē zu deinen Brüdern/ vñ sihe ob in fride vnd dem viehe sey/ vnd sage mir wider/das ist obs in auch wol gehe/Daher kumbt der gruß im Euangelio/auff Ebreische weyse/ Pax vobis/ Fride sey euch/welchs wir auff Teütsch sagen/ Got gebe euch eyren güten tag/güten morgen/güten abent. Item im abschey den sagen wir. Ge habt euch wol/habt güte nacht/lasts euch wol gehen/das heyst/ Pax vobis. Also wenn der gotlos da hyn ist/ so gehet es dem gerechten vnd glaubigen wol/vnd ist hernacher eytel fride.

38 Die übertretter aber werden vertilget mit eynander/ vñ die gotlosen werden zu letzt auff gerottet.

Das ist das wider spiel/die gerechten Bleyben vnd gehet in wol/die abtrinnigen gehen vnter vnd gehet in vbel hernach vnd zu letzt.

Es möchten dise zween vers auch wol verstanden werden von beyder teylen nachgelassen leeren erben vñ gütern/Das die meynung sey/die gerechten was sie him der sich lassen/das bestcher vnd gehet in wol/wie dics ben im. xvi. vers gesagt ist/das des gerechten kinder auch genüg werden haben. Aber alles was die gotlosen hinter sich lassen/verschwindt vñ kumpt zu sehens vnter/wie Psal. cviij. sagt/Sein gedechtnis sol in eyne glied des geschlechts vertilget werden/Das sihet man

versucht/manche Böse tück gesehen hatte /wie die hof-
junker dem Könige heuchelten vmb gelt vñnd ehre
willen/vñnd alle iren trost auffß Königs gnade stelletē/
vñnd im zu liebe thetten/alles was er wolt/es wer wid er
Got oder menschen/Derhalbē er auch gar vil böser tük-
ke von in erleyden müßte/da sie sahen/das im der Kö-
nig selbs feynd war/vñnd tödten wolt/Gleich wie Hero-
des den Juden zugefallen/Petron fieng vñnd die Chris-
ten verfolgte. Wie wir auch noch yetzt in herrn höfen
sehen/vñnd alle yetzt gewesen ist /das die hofeschrangen
vñnd synanger/wenn sie nur sehen/was den Fürsten vñ
herrn gefelt/vñnd hoffnung da ist/etwas zu erschnappē
thūen vñnd reden sie getrost / was sie dunckt es gefalle/
Got gebe/es gehe drüber der arm oder gerechte vñter-
oder bleybe oben/das sie nur reich vñnd hoch werden.
Ja es geschicht solchs nicht alleyn in herrn höfen /son-
der in allen stenden der welt/Denn es ist der welt lauff
vñnd weyse/die bleybt also/das man heuchelt vmb ge-
nies willen/vñ auff menschen gunst vñnd hulße sich ver-
lest/vñnd darüber Got veracht vñnd dem nechste scha-
det/daneben dennoch frumb sein wollen /thūen auch
Gottes wort vñnd alle gerechticheyt trefflich rhūmē/als
waren sie die aller Besten.

Wider solche gotlose Büben hat David disen Psal-
men gemacht/zur heylsamen lere vñnd warnung/darvñn
ne er vñs leret/nicht auff die menschen sich zuverlassen
wenns gleich herrn vñnd Könige weren/sonder alleyne
auff Got. Vñnd warnet vñs/denn es nympt Feyn güt en-
de/wie er auch am. cclvi. Psalm spricht / Laß euch nit
auff Fürsten/auff menschen Kinder/ Er kan doch nicht
helffen/denn seyn geyst müß aufffaren /vñnd widder zu
seiner erden kumen/als denn sind verloren alle deyne an-
schlege. Als solt er sagen/Wenn gleich mensche gunst
allenthalben im lebē bestendig were/welchs doch auch
nicht ist/dann heüte freunde/morgen feyndt/vñnd wie
man in sunderheyt von Fürsten sagt/ Fürsten genad/

Aprill wetter) so ist doch jr leben Feyne stunde gewiß/
Warumb verliesstu dich dann auff sie/ vñnd verachst
vmb iren willen Got/der ewig bleybt/vñnd thūst so böse
tücke wider in vñnd deinen nehesten: Also setz er sich hie
selbs zum Exempel / als der zur zeyt Saul vil gesehen
hat/die sich auff Saul verliesßen/vñnd vmb seinen wil-
len thetten/ was Got vñnd menschen verdross/ Aber do
Saul todt war/ mit allen schanden bestünden/ wie der
sun Doeg/ welcher nach dem todt Saul kam vñ wolte
David heucheln/er hette Saul erwürgt. 1. Regū. ij.

Darumb spricht er hie/ Mir nicht/das ich meinen
trost auff Fürsten oder menschen setze/ wie die gotlosen
hofeschrangen thūen/ Ich wil auch gerne dem Könige
gehorsam sein/im dienen/sein bestes suchen vñ fürdern
wil helfen vñnd ratten/mit leyb vñnd güt im bey stehen/
Aber das ich mich auff in solte verlassen/das er mich
reich/herlich oder selig machte/das wil ich lassen/Dan
morgē solt sichs wetter wol vmbkerē/dz er mich verfol-
gere(wie das auch geschach/dz zu erst David der liebste
diener Sauls war/darnach der aller feind seligste/ vñnd
müßte auch erfahren/das Fürsten hulde/ Aprill wetter
were/sunderlich weis es mit gottfürchtige/sunder gotlo-
se Fürsten sind) Wenn ich als denn hette vmb meynes
herrn oder eines menschen willen/wider Got vñ men-
schen gethan/wo wölt ich bleyben/ so Got vñnd menschen
erzürnet vber mich weren: Es fürre mir lieber wege Für-
sten vñnd menschen gunst/vñnd blibe mir Gottes hulde/
Bleybt mir Gottes hulde/so wirdt sich menschen hulde
wol finden/ Sindt sie sich nicht/ so fare sie zum teuffel/
gottes hulde ist mir genüg. Verliere ich aber gottes hulo-
de/ so bleybt mir zu letzt menschen hulde auch nicht/ so
fare denn ich zum teuffel sampt meinen Fürsten/Beyde
mit Gottes vñnd menschen vñnhulde/ Da hab ichs denn
sein troffen vñnd wol gemacht.

Das er sagt/meine seele schweyget Got/ist Ebreisch
gredt/ Da lauts also/ Meiner seelen schweygen ist ge-

gen oder in Got/das ist/ Ich schweige vnd drucke mich
vnter den gotlosen/die sich auff menschen vñ herrn ver-
lassen/pochen vnd trozen/ Aber ich befelhe dich Got/
poche vnd troze auff den selbigen gar heymlich vñ still-
le/ das sie es nicht wissen/ vñ halten mich für einen
narren/ das ich nicht auch heraus fare/ vnd getrost mit
heuchele vñ gelt suche. O welch ein seltsam gesinde ist
vmb einen solchen hofe diener/ Noch hat Saul der bö-
se König einen solchen gehabt/ vñ ist David/ als eine
rose vnter den dornen/ vnter solchẽ gotlosen hofe buben
gewest/ wie on zweifel auch noch wol sein kan ein from-
mensch zu hofe/ Aber er muß freylich vnter den dornen
auch sein/ vñ der stacheln allezeit gewarten.

Dann von jm kumbt meyn heyl/ spricht er/ Das ist/
lieber/ es wirdt mir niemandt helfen dann Got/ der ist
gewiß/ Von jm/ Vñ jm heylts/ Vñ jm/ kumbt mir meyn
heyl/ das ist alle meyn glück/ reichthum/ wolstat/ vñ
was ich haben sol vñ bedarff/ Die gotlosen sprechen
aber also/ Mein heyligster vater habst/ Mein aller gne-
digster Herr Keyser/ Meyn gnedigster Herr König zu
Frankreich/ Meyn gnedigster herr von Metz/ Meyn
gnedigster herr zu Sachsen 2c. wirdt mir helfen/ Ja
fehlets anders nicht/ das sie morgt sterben oder dürffen
selber hülffe vñ rath/ eben so wol oder mehr dann du.

2 Den er ist mein holt/mein heyl/meyn schutz
Darumb werde ich wol bleyben.

Ja freylich/ weyl du das glauwest/ bistu wol sicher/
wenns auch eytel Türckische/ Tatterische Keyser/ vñ
eytel zornige Könige vñ Fürsten regnete vñ schneyete/
neun Jar lang an einander/ mit alle irer macht/ darzu
alle Teuffel mit jnen.

Got hab ich verteußcht/ da auff Ebraisch steht Zur
welchs heyst einen Fels/ Dann Got heysen wir/ darauff
wir uns verlassen vñ uns sein trösten. So wil er nun
sagen. Ich weiß das mit mein heil vñ jm kumbt. War

umb/ Darumb. Ich habe keynen menschen/ wie groß/
mächtig/ reich er ymmer sey/ mit zum trost/ holt/ trost vñ
heyl geset/ noch mein hertz oder hoffnig auff in gestel-
let/ sunder Got hab ich darzu erwelet/ von dem alleyne
mir alles glück vñ heyl kumen sol vñ wirdt/ So heyst er
nun Got seynen Fels oder Holt/ darumb das er seynes
hertzen gewisse vñ sicher zuversicht auff in setz. Sein
heyl/ darumb/ das er glaubt vñ nicht zweiffelt/ Got
werde in helfen mit glück vñ heyl/ ob gleich Saul vñ
alle menschen in verlassen/ vñ nichts geben/ weder doß
noch stat. Seinen schutz/ darumb/ das er hoffet vñ ge-
wiß ist/ Got werde in vertheidingen wider alles vñ
wenn gleich Saul vñ alle seyne hofe schranzen/ seyn
verderben vñ seynen todt suchen.

Welch eine feine seele ist doch das/ die ein solch lied-
lein kan Gotte singen/ Aber auch wie seltsam ist sie/ so
man doch sunst alle höfe vñ stette vñ landt vol findet/
die den grossen Ranssen auch solche liedlein/ zu weylern
vñ zehen Gulden oder noch geringer parteken singen
können.

3 Wie lange stellet jr dem man nach/ das jr
alle in erwürget/ als eyne hangende wand vñ
zustoßen zaune!

Den vers wölt ich meysterlich auß streichen/ wenn
ich mich auch müste zum exempel setzen/ Aber es heyst/
Meine seele schweige Got. David hats erfahren/ das der
herrn heuchler so sind geschickt/ weyl des Königes gnad
deleuchtet/ do war nichts heilichers dann David/ yeder
man wolte da freunt sein/ vñ den David lieben/ vñ
ir hertz dachte doch/ Das dich der teuffel wegt für dise
stunde/ das ich an deine stat kumme/ vñ des Königes
lieblein auch werde/ Aber do der König in seindt wardt
do brachs heraus/ was sie zuvor gedachten/ Do wolte
ein yeglicher dem Könige hofieren/ vñ das Beste an
Davids verderben thun/ da war keiner faul/ Alle/ Alle

wolten sie in/ mit der vnnnd diser handt erwürgen/ da
giengs im hofe/ Ach das den buben die pestilenz veyts
tanz/ vnd alle flüche bestehen/ sunderlich/ wenn es der
König oder seine orenmelder hören. Das ist/ das er
hie sagt. Wie lang stellet jr einem nach/ vnd wöllet alle
dazü thun/ das er sterbe/ Als solte er sagen: Wie gar
hanget jr an einem menschen vnd verachtet Got/ das jr
vmb seinen willen auch zu morden bereyt seyt/ vnd tag
vñ nacht darnach trachtet: Aber jr habts yetz güt zu
thun/ weyl ich nun bin als eine geneygte wand vnd zu
stossen zaun/ Dañ einer wand vnd zaun/ die bereyt zur
erden hangē/ ist bald geholffen/ das sie vollend gar ni
der fallen. Also auch/ wenn ein Fürst/ Herr/ grosser hant
einen man drückt/ so hanget die wand vñ der zaun/ So
künden die suchenspfennige vñ lassen sich dücken/
das stündlein sey künden/ jr mütlein zu kühlen vnd Rütter
zu werden/ vnd treten in vollend zu füssen/ dem sie bil
licher solten auff helfen/ vnd den zaun stürzen/ vnd die
wand vnter setzen. Das heyst den todten löwen den
bard rauffen/ welchen sie lebendig nicht hatten dürfen
anrühren. Also/ die David halffen vnter drücken/ do
Saul im feindt wardt/ müsten wol das hütlein für im
ab nemen/ do er bey gnaden war. Aber die welt thut
nicht anders/ da mag man sich nach richten. Christus
müßte selbst einen haben (das war Judas der verrhet
ter) der in hulffe vntertreten/ do er schon bereyt vñ den
Juden gesucht wardt zum tode/ wie er sagt Psalmo. xl.
Der meyn brot isset/ hilfft mich mit füssen treten. Es
gehet so vñ müß so gehen/ beyde in geystlichem vñ welt
lichem regiment/ das die künen helde/ den todten löwen
rauffen/ die eins lebendigen hunds sich nicht erweren
kñnnen/ So vil vermag der trost auff menschen.

4 Aber sie denckē seyne höhe zuerstossen/ lü
gen gefallē in/ mit dem munde segnen sie/ Aber
inwendig flüchen sie. Sela.

Es ist

Es ist inen nüt darumb zuthun/ das sie in herunter
stossen/ vnd sie an seyne stat kñnnen/ Dann so gehets in
der welt. Kumbt yemandt eyn wenig auff/ so hat man
eyne rüge/ Biß er kñne auff vnterst/ Sölch eyne böser
geyst ist der welt Fürst der teuffel/ das er auch niemant
kan leyden/ das er leyblich etwas grosses sey/ schweyge
dañ das er geystliche güter solte leyden können.

Lügen gefallen in.

Das ist/ Sie gehen mit eytel falscheyt vmb/ das sie
solche zuwegen bringen/ Gütte wort geben sie/ vñnd ist
nichts dahinden/ das ist jr lust vñ gefallen/ Vñ dñ essen
auch wol mit dem/ den sie wöllen verderben/ auff alle
freundtlichst reden vnd berden/ vnd denken doch/ das
dich alle plage besthe/ hören auch nicht auff/ Biß sie in
helffen verderben/ das heyst/ sie loben mit dem munde/
inwendig aber flüchen sie/ das ist/ im hertzen wünschen
sie im alles hertzenlayd/ vñ sprechen doch/ Mein freünd
liche dienste zuuor/ was ich thun kan/ findet jr mich all
zeyt willig/ Da verlaß dich auff vñnd Bäck nicht/ sihe
was du essen wirst. O solche tücke sind aller erst töstlich
wenn sie gehen in geystlichen sachen des Euangelij/ da
die falschen brüder vnd rottengeyster/ wöllen Christ
liche brüder sein/ vnd sind verzweyffelte schwärmer vñ
buben/ denken doch nichts anders/ dann das sie oben
schweben vnd die ehre haben/ haben doch gleychwol/
das maul vol segens/ vnd wie sie Gottes ehre vnd die
warthey suchen.

5 Aber meyne seele schweyge Gott/ Denn
meyne hoffnung ist zu jm.

Weyl Sauls hoffe gesinde/ alle welt/ auch die fal
schen geyster/ all zūmal so falsch sind/ was sol doch eyn
from hertz hie thun? Nichts anders/ daß schweyge vnd
sey stille/ lasse sie liegen/ triegen/ böses denken vñ thun/
vñ beselhe seine sache vnd sich selbs Got/ vñ hoffe auff
in/ Lasse sie mit solchen lügen vñ falschen bösen tücken

C

den menschen vnd Fürsten dienen/ vnd auff sie hoffen/
Es wirdt sich wol finden/ welche hoffnüg die beste sey.
6 Gott ist meyn holt/meyn heyl/ vnd meyn
schutz/ Ich will wol bleyben.

Disen versß widerholet er noch ein mal/ zñ troz den
falschen leuten/ vnd zñ trösten sein vñ vnser aller hertz/
Dañ er damit beschleußt sein exempel vñ lere/ darinn er
vns geletet hat/ was die welt ist/ vnd wie sie thüt/ das
wir fecklich sie sollen verschten. Was nun gesagt ist im
andern versß/ das magstu hie auch sagen/ daß es ist eyr
versß.

7 Bey Got ist meyn heyl/meyn ehre/ der fels
meyner stercke/meyn zñuersicht ist auff Gott.

Sie sehet er an zñ warnen vñ vermanen/ Dñ er helt
gegen einander Got vñnd menschen/ als solt er sagen/
Wolan jr habt mein exempel gehört/ wie es gehet in der
welt/ vñ sunderlich zñ hofe/ da der welt hauot vñ bestes
ist/ So halt sie nun gegen einander/ Got vñ menschen/
so werdet jr funde gewislich/ wie ichs funde habe/ Nem
lich/ das bey got ist mein heyl/ mein ehre etc. das ist/ Got
wil vnd kan helfen/ Er gibt gesundheyt/ glück vñ heyl/
darauff man sich verlassen mag. Er ist auch mein ehre
Das ist/ Er gibt auch güte/ gewalt vñnd wurde genug/
welchs ehrlich ding ist vñ gehalten wirdt/ Dñ ehre in
der schrift/ heyst nicht alleyn das güte gerüchte/ sunder
die güte/ dauon das gerüchte erschallet/ als Math. vi.
Ich sage euch/ das Salomon in aller seiner ehre nicht
ist bekleydet gewest als der einen. Vnd Psal. lxxviij. Sie
wandelten ire ehre in ein kalbs bilde/ Das ist/ iren Got
vnd Gottes dienst. Die gotlosen aber suchen solchs als
les bey Fürsten vnd menschen.

Der fels meiner stercke/ Er ist der grundt vnd troz/
darauff meine macht vñ regiment stehet/ Stercke heyst
hie/ wie auch fast an allen enden/ die macht oder gewalt
zñ regieren/ als da ist an Fürstenthumb/ Königreich/

Auff das ers ja alles fasse in disem versß. Mein heil (das
ist/ alle mein glück vñ wol fart) Mein ehre (das ist/ alle
mein güte vñ vermüge) Mein stercke/ das ist/ alle meine
macht vñ oberkeyt. Summa summarū/ Ist etwas das
ich haben kan aufferden/ es sey gesundheyt/ krafft/ güte/
ehre/ gerücht/ macht/ oberkeyt vñ alles mit einander/ dz
wil ich weder Keyser/ Könige/ Fürste/ noch eyrige men
schen Befelhe noch vertraue/ noch vñ im gewartē/ Bey
Got sol es stehen vñ fallē/ bleybē vñ fare/ weiß der helt
so ist gehalten/ obs gleych alle welt wölt fellen/ wenns
der felle/ so felts/ obs gleich alle welt wölt halten/ Also
auch mein zñuersicht ist auff Got/ das ist/ nicht alleyn
alles güts wil ich von im gewarten/ sunder aller wider
wertigkeyt wil ich troz bieten vñter seinem schirm/ daß
ich mich versühe/ er wirdt mich nicht lassen. Menschen
verlassen ymmer dar vñ ist keine zñuersicht da gewisß.

8 Hoffet auff in alle zeyt/ jr völder/ Schüt
tet ewer hertz vor im auß/ Gott ist vnser zñuers
sicht. Sela.

Weyl Got nun ein solcher ist gegen mir/ O so volget
mir treulich nach/ er wirdt vns allen so sein/ Ich habe
erfaren/ darumb kan ichs euch tröstlich rathen/ Laßt
jñnen Saul/ Babs/ Keyser/ König/ Fürsten vnd ye
derman/ fürcht euch nicht/ hoffet auff Got/ Er fehlet
nicht. Widerumb/ laßt Saul/ Babs/ Keyser/ Könige/
Fürsten vñ yederman lachen/ trösten/ verheissen/ hoffet
nicht auff sie/ verlaßt euch nicht drauff/ Sie sind vnges
wisß/ beyde an leyb vñnd müt/ Leyb felt/ müt ändert sich
Bald/ Got bleybt feste. Auff das jr also zñ beiden zeyten/
es sey glück oder vnglück da/ auff Got euch verlaßet.
Fehlet euch aber etwas/ wolan/ da ist güte rat zñ/ schüt
tet ewer hertz für im auß/ flagets nür frey/ verberget im
nichts/ es sey was es wölle/ so werffts mit hauffen her
auß für im/ als wenn jr ewer hertz eyr gütem freunde
gang vñnd gar eröffnet/ Er hörts gerne/ wil auch gerne

helffen vnd ratthen/ Schewet euch nicht vor jm/ Vnd
dencket nicht/ es sey zu groß oder zu vil/ Getrost herauß/
vnd soltens eytel secke vol mangels sein/ Alles herauß/
Er ist grösser vñ vermag vnd wil auch mehr thun/ dan
vnsere gebrechen sind/ Stücketes jm nür nicht/ Er ist
nicht eyn mensch dem man künde zu vil betteln vnd
bittens für tragen/ Vñ mehr du bittest/ ye lieber er dich
höret/ schütte nür reyn vñ alles herauß/ tröpfle vñ zup-
ple nit/ Dan er wirt auch nit tröpfle noch zippeln/ sund
mit sindstut dich vberschütten/ Er ist vnser züuersicht
vnser züflucht vnd sunst niemand/ Dan alle ander sind
zügeringe/ das sie vnser hertzen künden lassen ausschüt-
ten für sich/ Solt ich einen tropffen meyns hertzen her-
auslassen für dem Keyser/ so müste er selbs eyn betler
werden/ dann er künde mirs nicht setzigen/ was solt ich
nich dann zu jm verschen/ oder zu jm züflucht haben/
weñ ich mein hertz gar außschütten solte/ vnd solt das
alle zeyt thun/ Es ist zu mall nichts mit menschen/
wie volget.

9 Aber die menschen sind eytel/ die leute sind
falsch/ Auff der wagen weren sie leychter denn
eytel.

Was got ist/ hastu gehört/ Nun höre da gegen/ was
menschen sind/ Es ist nichts mit ihnen (spricht er) ver-
leßu dich auff sie/ so wisse/ dz du dich auff lauter nichts
verleßest/ Es wirt dir gewißlich fehlen. Ja spricht er/
weñ man solt auff eyne wage legen/ in eine schüssel/ die
menschen/ in die ander/ eytel oder nichts/ so wurden die
menschen leychter sein dan nichts. Solche Ebreische re-
de machen wir teütschen also. Menschen sind weniger
dan nichts/ was sie eytel heysen/ das heysen wir/ nichts
Wie Salomon sagt/ Eccle. 1. Es ist alles eytel vnd eyn
lauter eytel/ Das ist/ Es ist mit menschen thand nichts
vnd lauter nichts.

Sie fragestu/ Wie ist der mensch nichts/ so er doch

Gottes geschepff vñ creatur ist? Antwort. Daud redet
nicht vñ der creatur an jr selbs/ sunder vom brauch der
creatur/ Das ist/ Der mensch ist wol ein güt ding/ Man
braucht sein aber nicht recht. Ein Fürst/ König/ Keyser
ist auch ein güt ding/ man braucht jr aber nicht recht.
Wie so? Ey man wil auff sie trawen vñnd bawen/ In
solchem brauch sind sie nichts. Warum? Sie sind vñ
gewiß/ beyde jres lebens vnd hertzens. Sand vñ wasser
ist auch güt ding/ Aber das ich drauff wölte eyn hauß
setzen/ da weren sie nichts/ vñnd weniger dann nichts/
Das ich aber wasser trincke vñnd mich wasche/ da ist
nicht nichts/ sunder eyn köstlich nüzlich ding/ Dan es
ist darzu geschaffen/ vnd das ist sein brauch/ Also auch
Fürst/ König/ Keyser/ ist geschaffen/ das sie fride hal-
ten im lande ic. Da sind sie Gottes creatur vnd eyn güt
ding. Aber das ich auff sie trawen wil/ das ist nichts/
Er spricht nicht. Nolite obedire principibus. Sed/ No-
lite cōfidere in principibus. Confidere/ Gehört Got als
keyne. Ich sol nicht dreck für gold verkauffen/ Dreck hat
seinen brauch/ Aber das er solt gold gleich seyn/ das ist
nichts. Dan du sihest das diser Psalm redet/ von eytel
glauben/ trawen/ züuersicht verlassen/ welche nutz alle
sind den menschen vnd Fürsten zu hoch/ Wie wol die
welt nicht anders thut/ dann auff menschen trawen/
vnd Got nichts vertrawen/ Das ist/ sie ist nichts vnd
trawet auff nichts.

Wie sind aber die menschen leychter odder wen-
ger dann nichts? Was kan weniger sein dann nichts?
Antwort. Was nichts ist/ das betrugt nie man/ Aber
wer auff das trawet/ das nichts ist/ der hat zweyerli-
schaden/ Einen/ das er nichts findet/ Den andern/ dz
er verleuret/ was er drauff wendet/ Dann wer schlech-
t nichts hat/ dz hat eyn einfeltigs nicht/ vñ wendet nichts
drauff/ Wer aber auff menschen trawet/ vber das/ das
er nichts findet/ verleuret er auch das/ das er drauff ge-
wand hat/ vnd wirt also seine hoffnung vñ kost auch

zu nicht/ vber dem nicht/ darauff er hofft/ Darumb ist
recht geredt/ das ein mensch ist weniger dann nichts/
Dass die welt leß jr trawen auff die menschen nicht/ So
fehlets auch nicht/ das sie vmb sinist trawet auff nichts
W ein herrlicher preys vnser aller dye wir menschen
heissen/ das wir weniger sind dass nichts/ So sein kan
einer dem andern helfen.

10 Verlast euch nicht auff vnrecht vnd ge-
walt/ vñ seyt nicht eytel/ sellet euch reichthum
zu/ so henger das hertz nicht dran.

Sie beschleust er den Psalm mit drewen vñ schreiet
die gotlosen mit Gottes gewalt/ vorteyl vnd straffe. Vnd
wil also sagen/ Es fähelt euch vnd thut euch so wol/
das jr zu hofe seyt/ vnd an Saul einen gnedigen Herrn
habt/ da seyt jr sicher/ lasset euch düncken/ jr sitzt feste/
fragt nicht darnach/ ja lachet sein darzu/ das jr mit vn-
recht thut/ schabernack vnd beschedigt mich vñ mein
gleichē/ Wir müssen vñ euch leyde/ Man thar euch nit
straffen/ Dann ewer herr helt vber euch/ da verlast jr
euch auff/ Aber ich ratte euch/ das jr nicht so thut/ Seyt
nicht zusicher vñ gewiss/ Seyt nicht eytel/ das ist/ bawet
nicht so auff Fürsten vñ menschen/ welche nichts sind/
dann damit werdet jr eytel nichts/ Das ist/ jr gehet mit
nichts vmb/ vñnd richtet nichts auff/ wirdt euch auch
alles fehlen.

Ja ich wil weyter sagen/ Wenn euch auch mit recht
vnd von Got reichthum zu siele/ so verlast euch doch
auch nicht drauff/ vñnd macht den mammon nicht zum
Gotte/ dass gut wirdt nicht darumb gegeben/ das man
drauff bawen vnd trogen sol/ welchs ist auch nichts vñ
eytel/ sunder das man seyn brauchen vnd genießen sol/
vnd andern mittheilen. Aber menschen lassens nicht/
die bawen vñ trogen beide auff Fürsten vñ gut/ das ist/
allenthalben auff nichts/ vñ handeln auff nichts/ Dass
gut macht mit/ Es ist aber nicht gut/ vñnd erhelbt nicht

den mit. Das hertz dran hengen/ ist so vil/ als sichs an-
nehmen. Nicht dran hengen/ ist/ sichs nicht annehmen/ vñ
also haben als hette mans nicht/ Dann so lauts im
Ebreischē. Ponere super cor/ oder Ponere in corde/ Sichs
annehmen vñnd lassen zu hertzen gehen/ In den hebröen
sol das gut seyn/ nicht im hertzen/ Wie Paulus sagt zu
den Corinthern/ das wir der welt sollen brauchen/ als
brauchte man jr nicht.

11 Den Gott hat ein mal geredt/ das hab ich
wol zwey mal gehört/ das bey Got macht ist.

Das sagen wir auff teütsch also/ Eins weys ich wol
des bin ich gewiss/ dass Got hats selbs geredt/ der nicht
liegen kan/ das Got ein herr ist/ welchs ich mehr dann
ein mal gehört habe/ Das ist/ Seyd nicht so eytel vnd
gotlos/ Wo aber nicht/ sunder wolt auff menschen ja
trogen/ Wolan so sage ich euch/ das bey Got macht ist/
das er der rechte Keyser/ König/ Fürst/ vñnd Herr ist/
auch vber euch vñ ewer herrn/ gleich wie vber alle/ das
last euch gesagt sein/ Dass Got hats selbs gesagt darzu
vnd ich hab auch oft gehört vnd erfahren/ wie ers be-
weyset hat/ vñ die gewaltigē vom stül gestossen. Sehet
zu/ das euch auch nicht so gehe/ mit ewerm herrn/ Last
Saul/ Saul sein/ Last Keyser/ Keyser sein/ Last Für-
sten/ Fürsten sein/ Last menschen/ menschen sein/ fürch-
tet Got/ dass es ist ein einiges wörtlein/ das Got mach-
tig sey/ Aber es hat ein groß vñnd manch geschrey/ man
hats oft erfahren/ das so sey/ Er wirt warlich ewer auch
nicht schonen noch fehlen/ ob jr wol yetzt in veracht vnd
eytel seyd/ vñ vmb menschen willen vns belaydigt vñ
vnrecht thut.

12 Vnd bey dir HERR ist güette/ das du be-
zalest eym yeglichen wie ers verdienet.

Gleich wie er macht hat/ alle gotlosen gewaltiglich
zu straffen/ vñ können jm nicht entwerden/ Da er ist
alleynes Herr/ vñ alle herrschafft ist seyn vnd von jm/

Also widerumb ist er auch gütig vnd barmhertzig/das
er den elenden hilfft/ vñ nicht leyden kan/ das sie solten
gar vnter gehen/ vnd den heuchlern vñ Sauliten end-
lich vnter ligen vñ verlassen sein/ Sunder wie geschrib-
ben steht/ Luce. i. Gleich wie er die gewaltigē vom stül-
stof/ also erhebt er auch die nidigen/ ihene durch seine
macht/ dise durch seine gütē/ wie volget/ Das du ver-
geltest ein yeglichen/ wie ers verdienet/ Den gotlosen
vergilt er mit gewalt/ gleich wie sie gewalt haben geübt
Den elenden vergilt er mit gütē vnd gnaden/ gleich wie
sie gütig vñ gedultig on gewalt sind gewesen. Aber die
welt fragt nichts darnach/ feret ymer fort mit item eytel
vnd freuel. So lests auch Got geschehen vñ feret auch
ymer fort mit seiner macht vnd gütē/ auff das des eynt-
gen worts/ vnter allen andern Gottes Worten/ nür vil
exempel werden/ vnd mancherley hystorien des eynt-
gen texts geschehen/ wie er die grossen Hansen/ stözt
vñ bricht/ als cyn mechtiger herr/ vnd den elenden ver-
lassenen hilfft/ als cyn gnediger gütiger vater/ So thet
er mit Saul vñ David/ also thut er yetz mit dem Babst
vñ dē Euangelio/ mit den Bischöffen vñ den Christen/
Vnd wirts noch ymer mer thün/ Bis sie zu grund gehen
vñ erfaren/ das war sey das David hie sagt/ Es sey cyn
eyniges wort Gottes/ das er mechtig vñ gütig sey/ Aber
es werde zu mal vil mal dauon gehöret vñ oft erfaren/
Wer oren hat zu hören der höre.

Der vier vnd neuntzigst psalm.

HERR Got der rache/ Bich hefür/
Gott der rache.

Dieser psalm/ wie man wol greiffen kan/ ist
ein gemein gebet aller frommer Gottes kinder vnd geysti-

lichen volcks/ wider alle ire verfolger/ Also das er mag
gebet werden von anbegin der welt Bis an ende/ von
allen fromen gotseligen leuten/ sie seyen Jüden oder Chri-
sten oder Patriachen/ dann sie müssen alle dise zu ge-
meyne verfolgung leyden/ die in disem Psalm verklagt
werden/ Als da sind zum ersien die Tyrannen/ die den
leyb verfolgē vñ wirts willen/ mit gewalt. Zum an-
dern/ die falschen lerer/ kexer/ vnd rotten/ die die seelē
verfolgen/ mit lügen vñ heuchley/ Darumb mügen wir
auch disen Psalm wol betten zu vnsern zeytten/ wider
den Babst/ Bischöffe/ Fürsten vnd Herrn/ die vns leyb-
lich mit gewalt verfolgen vñ wirts Euangelions willen/
Vnd wider die rottengeyster/ die vns mit falscher ver-
fälschung der schrift geystlich verfolgen/ gleich
wie die fromen rechten Jüden den selbigen gebettet ha-
ben wider die Heydē/ so vñb sie her wütetē vñ on vnter-
laß verfolgten/ vnd wider die falschen Propheten/ so
vnter in waren/ vñ mit verkertem verstand der schrift
das volck verführten. So spricht er nun.

Ah Herr/ d du ein got der rache bist/ Ds ist/ der du al-
leine d recher vñ straffer bist aller Bosheyt/ beyde leybli-
cher vñ geystlicher Bosheit. Vñ er setzt zweymal (got der
rache) wie die pflegē zūthün die heftig vñ mit grossen
ernst redē/ die selbige sagen ein ding vil mal/ auff ds sie
Got bewegen/ Doch auch daneben anzuheygen/ das er
zweyerley verfolger verklagt/ vñ vñb zuo rache oder
straffe bittet/ beyde vber Tyrannen vnd Kexer. Es ist
aber eine Ebreische rede/ das er spricht/ Got der rache/
das ist/ welcher allein sol vñ kan rechen. Sölcher wese
braucht S. Paulus auch oft/ als Ro. xv. Der Got der
hoffnüg. Item Got der gedult/ vnd des trosts. Vnd. i.
Cor. i. Gelobt sey Got der vater aller barmhertzigkeyt/
vñ Got des trosts/ das ist/ Got der die hoffnüg/ gedult/
trost gibt. Also auch hie/ Got der rache/ das ist/ der die
rache thut/ das von seinen wercken/ gibt im die schrift
namen. Weyl aber niemandt solche werck thün kan/
C v

daß Got alleine/füret Billich auch niemandt die namen
solcher werck/dann er alleine / Niemandt kan trösten/
hoffend machen/ gedultig machen/ vnd so fort an/ daß
Got alleine/Also kan auch niemandt die sünde straffen
vnd das böse rechnen dann er alleyne / Daß wie solten
menschen alle Bosheyt rechnen können/ so sie nicht müs-
sen allerley Bosheyt kennen? Ja das mehr teyl für tugēt
halten/ das doch böse vnnnd der rache werd ist/ wie die
gleyßner ire lere vñ werck für güt achten vñ vngerochen
vñ vngestrafte wöllen haben/ so es doch eytel zweyfel-
rige Bosheyt ist. Darumb wil der name wol alleine Got
eygen Gleyben/ Got der rache/ wie Got der gedult/ vnd
Got der hoffnung.

Brich herfür (spricht er) Dann das wort Sophia/
heyst ja/sich herfür thün/heraus brechen wie ein glantz
vñ sich sehen lassen/vñ an tag künien/das es jederman
sehe/Wie Mose spricht Deutero.xxij. Der herr ist von
Sinai künien/ Von Seit ist er auffgangen/ vñ vñ Pa-
ran ist er herfür brochen. Also wil er hie auch sagen/
Tyrannen vñ falsche Propheten haben vberhandt ge-
nünien/ Die haben sich herauf gethan/ vnd lassen sich
sehen/vñ gehen im schwand/Du aber schweygest stille
verbirgest dich/ als werestu begraben vñ köndest nicht
mehr/daß du werest vnd straffest nicht solche Bosheyt/
Darumb bitten wir/ Brich doch auch eyn mal herfür/
Fack herauf vnd laß dein antlig blicken wider sie/ Vnd
das Billich/ Dann du bist ein Got der rache/dir gebürt
ye zū rechnen vnd zū straffen/Reche dich doch selber/ Ist
dann rache dein werck/ vnd ist yetz so hoch von nsten/
warumb verbirgest du daß dich im finstern/ vnd ledest
dich so gar nicht sehen?

Sie wil sichs frage/wie frumme geystliche leute mügē
vmb rache Bittē/weyl Christus spricht/Matth.vj. Bit-
tet für ewer verfolgter/thut wol denen die euch hassen/
liebt ewer seynde. Summa/Es ist wider die liebe zum
nehesten/das man rache vnd straffe wünsche/so man

sol vil mehr gūts thün vñ wünschen/Ro.xij. Antwort.
Glaube vnd liebe sind zweyerley. Glaube leydet nichts.
Liebe leydet alles. Glaube flücht. Liebe segenet. Glau-
be sucht rache vñ straffe/Liebe sucht schonen vnd ver-
geben. Darumb wens den glauben vñ Gottes wort an-
triffst/da giltts nicht mehr lieben oder gedultig sein/sun-
der eytel zürnen/ eyfern vñ schelten. Es haben auch alle
Prophten so gethan/das sie ins glaubens sachen keine
gedult noch gnade Beweyset haben/ Doch weyl der vol-
gend Psalm wol erger ist/ vñ nicht alleyne rache bitter/
sunder auch flücht/ wöllen wirs da selbst hyn sparen/
vnd als denn weyter antwort geben.

2 Erhebe dich du richter auff erden/ Vergel- te den hoffertigen.

Gleych wie Got alleyne rechet ist/ so ist er auch al-
leyne Richter auff erden/ Dann alles was die oberkeyt
richter vnd rechet/ das geschicht auß seynem befelh vñ
ordnung/ als thet ers selber. Was sie aber nicht richten
noch rechnen kan/das thut er/Auß das es alles war sey/
das er alleyne der rechet vnd richter sey auff erden/ wie
auch Psal. vij. spricht. Der Herr ist Richter vber das
volck. Weyl er daß nun rechet vnd richter ist/bitten die
frummen mensche/das er sich erhebe/dz ist/dz er sich hoch
setze zū stül/als ein richter vñ Beweyse sein werck/ Laß
se sich nit so vnter drückē/als sey er nichts. Er machts
alles zweyfeltig in disem gebet/Got rufft er an als einen
rechet vnd Richter/ als were es nicht genüg am rechet/
Dann es ist im ernst/ vnd bittet wider zweyerley feinde/
wie gesagt ist. Vñ ganz sein bitter er rache vber die Ty-
rannen/vnd gericht vber die falschen lerer/Daß die Ty-
rannen haben keynen scheyn/ faren mit gewalt/ drum
sind sie der rache werd/ vnd schon verdampt/ Aber die
totten schmücken sich vnd haben einen schein/darumb
müssen sie durch gericht vnd vrtel verdampt werden.
Die hoffertigen maynet er hie nicht alleyne die ins

herze hochmütig sind / sind die mit verfolget vñ befürzt
(dass er beyde Tyrannen vñ Keger damit maynet) vber
handt gewonnen habet / vñ obhagen / als hetten sie schon ge-
wunnen vñ die frommen gedempft / welchs auch die art ist
des worts hoffart / oder hochfart / das es heyst die hoch-
faren vñ oben schweben / vñ das Ebreyisch wort Geym
auch so laut / Wie auch von Got selbs Mose Exodi. xv.
singen Der Herr feret hoch her zc. das der synn sey. Ist
nicht zeit zu richten vñ rechten : hastu doch geschwiegen
Bis beyde Tyrannen vñ Keger obhagen / hoch her faren /
prangen / als die gewonnen haben / vñ vns ganz vñ
gar zedempft / das sie alles alleyn vñ wir nichts sind.
Vnd weil ich die zwey wort / Tyrannen vñ Keger nenne /
wil ich allwege dabey verstanden haben / die zweyerley
verfolger / aller frommen Gottes kinder / Auff das wir
nicht not sey allwege die Heyden vñ falschen Propheten
im alten Testament / die Tyrannen vñ Keger im
neuen Testament / vñ die Fürsten vñ Schwärmer zu
vnsern zeiten zu nennen / Dass ich wil damit deuten / als
kerley verfolger des worts / so zu allen zeiten sind gewesen /
noch sind / vñ sein werden / welche sind zweyerley / wie
gesagt ist.

3 **WIE** lange sollen die gottlosen /
wie lange sollen die gottlosen sich freuen.

Das ist / Du lebst sie so ferne kumen / vñ vberhandt
nemen / das sie sicher sind / vñ sich schon bereyt thumen /
freuen / singen vñ tauchzen als gewis / das mit vns
verloren sey / Vnd solchen triumph lebestu so lange we-
ren vñ siehest zu / Nicht doch wol eyn frommer mensch
denck / Es were nichts mit dir vñ mit deinẽ wort / Aber
Got thut mit anders / er lebst sie so faren / auff das wir bitt-
ten sollen. Vnd die siehestu aber mal / das er zwey mal /
gottlosen nennet / die zweyerley verfolgert zu vertragen zc.

4 Sie reden frey her auß / halstarriglich / Al-
le idelt heter reden.

Diesen vers kan man nicht so Teutsch geben / wie er
stehet im Ebreyischen / Darumb müssen wir im helfen.
Er wil also sagen / Beyde Tyrannen vñ Keger sind
so gar mechtig worden / das die Tyrannen von ir dinge
also frey waschen vñ plaudern / als sey ir dinge alleyn
alles / vñ vnser dinge gar nichts / Desselbigen gleychen
die Keger / haben sich auch auffß wasschen gegeben / dz
man nichts höret / denn ir trewne / Vnser lere vñ glau-
ben kan kaum dafür mucken / Denn so gehets / wo rott
vñ Keger auff kumen / die reysen eyn / vñ nemen zu /
das man sunst nichts achtet noch hören wil / wie Pau-
lus spricht / Got schickt vnter sie krefftigē irthumb / Vñ
abermal / Sie stehen der warheit seer wider / Item / Die
gottlosen nemen zu im bösen / verführen vñ lassen sich
verführen zc. Darumb lauts im Ebreyischen also / Sie
scheumen mit reden altes / Vnd alle vbelheter machen
sich wassch hafftig / Gleych wie eyn siedend topff mit
blasen scheumet vñ vbergehet / Also scheumen sie vñ
gehen auch vber mit vilen gewesche / des ir hertz vol ist
denn es seud vñ Kocht vor grosser hitz vñ lust auff ir
erewne / vñ können weder schweygen noch andern zu
hören / Er nennet ir dinge dauon sie reden / Alt / das ist /
steyff / fest vñ stark / das nicht new ist / Denn was new
ist / ist noch nicht so gar angenommen / vñ helt noch mit
feste / das kan man beugen / lencken odder endern / Aber
was alt ist / das ist angenommen vñ helt hart vñ feste
des ist man gewonet vñ bleybt gerne dabey. Alte hun-
de sind nicht gut bendig zu machen / So kan niemande
alte schelck fromm machen. Also die Keger sind steyff vñ
starrig auff irer lere / dauon sie vil plaudern. Also singet
auch Zanna. i. Reg. ij. Last aus ewrem munde bleyben
das alte. Vnd Psal. xxxi. Verstummen müssen die lippe
so wider den gerechten reden altes / Das ist / steyff vñ
halstarriglich. Vnd Psal. lxxv. Gebt ewer hore nicht
an / oder redet nicht altes.

5. **HERR** sie haben dein volck züschlagen/
Vnd deyn erbe gedemütiget.

Das thun die Tyrannen/so mit gewalt Gots wort verfolgen/töden vnd plagen die leute dumm / Ja die Keger halffen vnd rathen auch dazu. Das flaget er got vnd bit vmb rache/So theten die Heyden den Juden/die Römer den Christen / vnd yetzt vns die Bischöffe vnd Fürsten. Wie es aber ist ihenen gangen/so wirdts disen auch gehen/Denn solch gepet kan Got nicht verachten/da er vermanet wirt/das seyn volck vnd sein erbe verderbet wirdt.

6. **Widwen vnd frembdlings erwürgen sie/
Vnd tödten die wayßen.**

So graussam sind die Tyrannen vnd Keger vnd so sicher/das sie nicht alleyn das volck Gottes verfolgen / sonder auch den elendesten im volck nicht schonen/als witwen vnd wayßen / welchen man doch billich solt für andern barmhertzig sein. Es ist ein vnbarmer hertzig ding/vmb die verfolger des wort Gottes/ denn der Teuffel reytet sie gar/mehr denn alle andere / Denn der Teuffel ist Gots wort feynd vber alle ander ding.

7. **Vnd sagen der HERR sihet nicht/Vnd der Gott Jacob merckts nicht.**

Nicht/das sie gar nichts vō Got halten/ Denn über Got hebt sich keyn hader/Sie bekennē alle Got. Ja die verfolger meynen Got sey mit in/vñ das sie Got dienst dran thun/wenn sie die frommen verfolgen/sonder vber dem wort vnd werck Gottes hebt sichs/da wollen die verfolger nicht/das es Gots wort sey/sonder verdammens/vnd halten die frommen für bösen vnd verführer/Darüb sagen sie/Last vns die verführer würgen/denn jr Got ist nichts/sie liegen was sie sage/jr got sihet weder böset/Vnd wirdt noch kan solchs an vns rechnen/ob er gleich wolt/So gar gewiß/steyff / vnd sicher saren sie

daher in irem synn vnd vnglauben.

8. **Mercke doch jr narren vnter dem volck/
Vnd jr thoren wenn wölt jr klüg werden!**

Es verdienst den Propheten vnd billich alle Christen/das man den nicht wil für Gott halten / des wort sie rhümen/dumm schilt er sich mit in vmb Gots willen/seyne ehre zuuerteydingen/Heyst sie narren vñ thoren im volck/da sie doch eytel weißheyt fūrgen / vnd für treflicherer gehalten werden. Aber er spricht / sie sind narren vnd narren das volck mit sich.

9. **Der das ohre gepflanzt hat/solt der nicht hören! der dz auge gemacht hat/ solt der nicht sehen!**

Das ist/Unser Got/des wort wir haben/des werck wir predigē/ist der rechte got/schepffer aller dinge/Vñ jr leset in vnd spricht/Er sehe vñ mercke nichts/Erw Got ist vil mehr eytel vnd nichts / wie ewer gedanken sind/als hernach folget/So er denn der rechte Got ist/wie solt er andern das hören vnd sehen geben was in güt vnd nūge ist/vnd solt selber nicht sehen noch hören was in an gehet/was wider in oder für in gethan wird So müste er etwas geben/das er selbs nicht hette/Thu er aber oren vnd augen gibst/müßt jr fürwar blinde tolle narren seyn/die in nicht kennen / das jr sagt / er sehe vnd höre nicht.

10. **Der die Heyden züchtiget solt der mit straffen! der die menschen leret/ was sie wissen.**

Das die Heyden vnd alle welt/straffen das böse vñ züchtigen die bösen kinder vñ bösen/bas haben sie vñ vnserm Got/der gibts in/das sie es wissen vñ thun Solt er denn selber nicht straffen vnd auch züchtigen können/die wider in böses thun? Künd jr straffen was böse für euch ist/solt er denn nicht straffen was böse für in ist/so jrs doch von in habet? Künd jr sehen vñ hören

ten was Böse oder gut Bey euch ist/ob jr wol narren vor
im seydt/solt er denn nicht sehen vnd hören/was Böse
oder gut vor im ist/so er euch gibt beyde sehen vnd hö-
ren/gleich wie Christus spricht/Ründt jr guts geben
ewig Endern wiewol jr arg seydt/solt denn nicht ewer
vater vom hymel guts geben denen die in bitten/Denn
Got gibt euch solchs/vnd alles ander zu wissen/was
jr wisset/Aber solch schelten hilfft nicht/Sie bleyben
auff irem alten vnd halbsirrigen kopffe/in irer eytel-
keit/Darumb folget.

**11 Der HERR weys die gedanken der mens-
chen das sie nichts sind.**

Als solt er sagen/Es ist vmb sunst/sie bekeren sich
nicht/faren fort/vnd meynen/jr ding beyde das sie wi-
der vns vnd für sich für haben/solle so hynaus gehen/
Aber das ist das beste vnd vnser trost/das sie seyde wer-
den/Denn Got lachet vnd spottet jr mit iren klügen ge-
danken vnd trefflichen anschlegen/denn er weis/das sie
eytel sind/Das ist/sie sind nichts vnd wirt auch nichts
draus/wer es nur erharren künde/Denn es ist vmb eyn
kleyne zeit zuthun/so wirt jr ding vor yederman zu ni-
cht werden/wie es an jm selber nichts ist/Wie auch der
xxiiij. Psalm spricht/Der HERR macht der Heyden rad
zu nicht/vnd leyt feylen der völker gedancē/Aber des
HERRN rad bestehet ewiglich/seynes hertzen gedan-
ckē ymmer da. Vñ der ander Psalm zeuget auch dē Hey-
den vmb sunst toben/vnd Könige vergeblich sich auff
lehnen/vnd die Fürsten vnütz rad schlagen/wider dē
HERRN vnd seynen Christ. Denn er lacht vnd spot-
tet jr doch/als die es nicht mügen hynaus faren.
Vnd Psal. xxi. Sie wolten dir vñ bels thun/vnd erdach-
ten anschlege die sie nicht kundten aufffaren. S. Pau-
lus. i. Cor. ii. firt disen spruch also/Der HERR weys
die gedanken der weysen/das sie eytel sind. Den die klü-
gen vnter den leuten gehen am meisten mit anschlegen
vmb

vmb/vnd wollen vil außrichten/yederman radten vnd
die welt zu richten/Aber es feylet alles.

**12 Wol dem HERR/den du züchigest/
Vnd lereest durch deyn geseze.**

Dancken sol man Got (spricht er) vnd ist eine grosse
gnade/wer solchs weys/das der gotlosen anschlege vñ
thun eytel ist vnd nicht bestehet/wie wol sie der sachen
gewis sind/vnd ligen oben so gewaltig/das sie dauon
rhümen/singen/sagen/waschen vñ plaudern/Aber der
frummen sache müß nichts sein/ia man tödtet sie vñ ver-
folget sie/wie droben gesagt ist. Sie kan nun vernunfft
vñ natur nichts/vñ weys nicht/das solchs weysen
nichts sey/das sie richtet wie sie fület/vnd denckt nicht
weiter/sie kan das nicht sehen/das zukünftig vñ noch
nicht da ist/Sie hanget am gegenwertigen/darumb
spricht er/Got müsse hie zuchtmeister sein/vnd solchs
lernen/Vnd wol denen/die ers leret. Wo leret ers aber?
Richtet er eym yeglichen eyn besunders an? Mit rich-
ten/sunder durch sein geseze leret ers/das ist in der hey-
ligen schrifft leret ers vns/da finden wir die sprüche vñ
exempel/die vns solchs sagen/wie der gotlosen anschle-
ge vnd thun keynen bestand hat/vnd alle wege gefeylet
haben/Dan sihe/wie es Pharao/Sihon/Og vñ allen
Königen der Heyden gieng/vnd durch die ganze Bi-
bel/so findestu/das in allzeit jr gedanken gefeylet ha-
ben. Eben so spricht auch der. lxxiiij. Psalm von der got-
losen glück/Ich dacht im nach/das ichs verneme/Aber
es war mühe für mir (das ist/nach der vernunfft kund-
ichs nicht vernemē) biß ich hynem gieng in das hey-
lighumb Gottes/vñ merckt auff jr ende/das ist/in der
heyligen schrifft fandt ichs/da leret ich sehen/nicht auff
das gegenwertige/sunder auff jr ende/vnd wie es her-
nach hynaus gehen wurde mit inen/Da sahe ich/das
nichts mit in were/wie groß es auch scheynete.

Damit ist geantwort auff der schwachen frage/wen

sie sagen/du sprichst/es sey nichts mit der gotlosen thün
vnd anschlegen/ Ich sehe aber wol/ das sie grosse ding
thün: Antwort. Sie müssen ja etwas anschauen/ Aber da
sihe auff/ wie sie es enden/ daß jr anschlege gehen nicht
auffs anschauen/ sunder auffs aufffüren. Der grosse Altes
rander sieng vil vnd grosse ding an/ das achtet er selbst
nichts/ Aber sein anschlage vnnnd ende war vil grösser/
Nemlich die ganze welt zu gewinnen. Ich maine aber/
es seylete jm. Die Römer hattens auch im synn/ ein ewigs
reich zu machen/ wie Virgilius spricht. Imperium sine
fine. Ich mayne es seylete auch. Der Türcke hat yetzt
auch vil gethan/ vñ hats noch vil grösser im synn. Aber
der selbige synn müß jm auch feylen. Wie hats dise zeyt
her so gewilich gefeylet/ dem Babst/ grossen Königen
vnd Fürsten/ vnd feyler noch teglich. Noch fürchten sie
Got nicht/ vnd lassen vñ jren gotlosen anschlegen nicht
ab/ Glauben vnd Bitten Got nicht vmb gnade/ Des
selben auch jm die sache nit/ darumb sihet man eytel sey
len vnd fallen bey jm.

Doch wir reden hie eygentlich von dem fürnemen
der gotlosen/ das sie haben wider Gottes wort vnd die
frumen/ Daß weis ein gotloser wider den andern sicht/
da gehe es wie Got wil/ da gehört diser trost nicht hyn/
Daß die schrifft nicht die gotlosen tröstet/ gibt in auch
keine verheissung/ Wie wol auch daselbst allzeyt die
sichere vermessene anschlege feylen. Also ist das der
schrifft trost/ das sie vns leret/ Nicht zu sehen/ wie es
die gotlosen anschauen/ sunder warten vnd zu sehen/ wie
sie es hynaus führen/ das sie im synn haben/ Sie ha
bens aber im synn/ Gottes volck vnnnd wort schlechts
zu vertilgen/ das gehet den den Krebs gang/ das sie selbs
drüber zu scheytern gehen/ vñ Got mit den seinen bley
bet/ ob wol zum anfang etliche getödt vñ verfolgt wer
den. Also zeuget auch S. Paulus vñ der schrifft Ro. xv.
Was geschriben ist/ das ist vns zur lere geschriben/ das
wir durch gedult vñ trost der schrifft gedult haben/ wie

der volgend verß auch sagt.

13 Das er stille sey zur bösen zeyt/ Biß de got
losen die grube bereydet werde.

Stille/ Das ist/ gedultig vnd nicht tobe noch zürne
wider die verfolger/ welche im böse zeyt machen. Böse
zeyt heysst er die zeyt/ da die Tyrannen vnd Ketzer tobens
(das ist) jr ding anschauen/ Dann die Tyrannen verfol
gen leyb vnd güte/ Die Ketzer verfolgen seel vnd geyst/
Wie kan denn da güte zeyt sein/ da leyb vnd seele teglich
in fertigkeyt stehen? Also redet auch sant Paulus/ Daß
die zeyt ist böse/ Vnd stymmet zu mal seyn mit disem
Psaln/ auch im nehesten verß/ der vns leret durch die
heylige schrifft vns trösten vnd gedultig sein/ in aller
ley verfolgung. Das ist aber kurz vmb die art des Euang
gelij/ oder Gottes worts/ Wens angehet/ so sehet an bö
se zeyt/ Ursache/ der Teuffel kans nicht leyden/ darumb
feret er zu/ vnd erregt Tyrannen vnd Ketzer/ das nymer
weniger fride/ nymmer böser leute sind vnd mehr erger
nüß/ daß zur zeyt der gnaden vnd frides/ Das ist/ wenn
man von Gottes gnaden vnnnd friden predigt/ welchs
durchs Euangelion geschicht/ Da wundert man sich
denn/ das die leute so böse sind mehr dann zuvor/ Aber
es müß so sein/ Daß hie hörestu/ das er flagt vber böse
zeyt/ vñ leret still vnd gedultig sein/ welchs man zur gü
ten zeyt nicht bedarff.

Sölch stille vnd gedultig sein/ sol nicht ewig sein/
Daß es ist schon das ende da/ daß die gotlosen werdens
nicht aufffüren/ wie gesagt ist/ Ir grube vnd verderben
ist fürhandt. Vnd wie S. Petrus disem verß zu stymmet/
vnd spricht. Sie führen vber sich selbst eyrn schnell ver
damnüß/ Daß im Ebreischen mag diser Text auch also
lauten/ Biß dem gotlosen das verderben gegraben wer
de/ Verderben vñ grüben fast auff eins stymmet/ Nun
solchs alles müß got leren zur bösen zeyt/ das man glau
be/ der gotlose solle vntergehen. Vernunft dünckt nicht

anders/dann die frummen sollen verderben/vnd die got-
losen ewiglich bleyben/so gar wußt leß sich an.

14 Denn der **HERR** wird seyn volck nicht
verstoßen/Voch sein erbe verlassen.

Wie hörestu/das diser Psalm eygentlich redet von
anschlegen der gotlosen/wider Gottes volck/Daß Got-
tan die seinen nicht lassen/das ist gewiß/wie er hie sagt
Darumb ist vnmöglich/das die gotlosen jr furnemen
soltten hynauß führen/Es muß in seyn/es sey dann Got
nicht Got/allerne das vmb eine kleine böse zeit zuthun
ist/darinn man stille vnd gedultig sey/das die gotlosen
jr ding anfahen/vñ darnach zu schanden werden/Wie
auch der. xcj. Psalm sagt. Du wirst mit deinen augen se-
hen vñd schawen/wie den gotlosen vergolten wirdt/
Sihestu es hie nicht/vñ in des getödtet wirst. so wirstu
wider lebendig werden vnd in ihnen leben sehen. Die
lebendige werdēs aber auch in disem leben sehen. Nun
diser vers ist ein mechtiger trost vñ trost für die frum-
men/vnd eyn schrecklich vrteyl wider die Tyrannen vñ
Fetzer/wer es glaubt/Daß es wirdt gewislich so gehen/
vnd wenn tausent vnd aber tausent Abste/Reyser/
Fürsten/geleerten/Fetzer auff einander sessen/gleich auch
wie der volgend vers sagt.

15 Denn das gericht wirt wider zu recht ku-
men/Vnd dem werden folgen alle auffrichti-
gen von hertzen.

So vil ich Ebreisch kan/dünck mich also lauten
im Ebreischen/Daß gerechtigkeit wirdt noch das recht
wider bungen/Das ist/wie wol zur bösen zeit gewalt
für recht gehet/vñ heücheley für warheit/Aber zu letzt
wirdt doch vnrecht vnd scheyn nicht bestehen/sunder
gerechtigkeit wirdt kumen vnd offenbar werden/vnd
das vnrecht zu schanden machen/vñ das recht preysen
Vnd wie wol dem selbige nicht alle welt zuffallen wirdt

So werdens doch thun die frummen/vñ was redlich vñ
auffrichtig ist/auff das also das recht doch bleybe/vnd
vnrecht vnter gehe. Sihe Johannes Zus exempel an/
der ist zur bösen zeit/ mit gewalt vñ vnrecht verdampt
Vest ist gerechtigkeit offenbar wordē/ vnd preysen sein
recht/da wider nichts hat mügen helfen/ alles was bis
her das ganze Babstumb/ mit so vil Bannen/predigē/
brennen/toben/hat versucht/ jr anschlege sind doch zu
nicht worden/Also giengs den Jüden mit Christo/ den
Römern mit den Chrusten etc.

16 Wer stehet bey mir gegen den Bosshafftis-
gen! Wer tritt zu mir gegen den übelthetern!

Wie hebt er an Got zu danken für solchen trost vnd
verstand/wil also sagen/ In dem toben der gotlosen/
war sunst niemandt der mir bey stünde/Ich war eywig
vñ verlassen/yederman mainet es were mit mir auß/die
gotlosen hetten gewonnen/Wie auch ein ander Psalm
spricht. Herr/erbarme dich mein/daß ich bin cynig/das
ist/niemandt tröstet mich/yederman verzag an mir/on
Got allerne/der mein meyster vnd leyter ist/wie volget.

17 Wo der **HERR** nicht meyn helffer we-
re/so müste meyn seele in der stille bleyben.

Es were mit mir verloren/die gotlosen füreten jr für-
nemen sein vnd vol hyn auß wider mich/wens bey mir
stünde/vnd an den leuten lege/daß sie legen mir alle ab/
so zappelt mein hertz selber. Aber Got ist der mir gedult
gibt/mich anders leret/vnd die gotlosen störet/vber
vnd wider alle vernunft/Er leßts aber so greulich an/
gehen durch die gotlosen/auff das er mich lere/das ich
verloren were/on seine hilffe/vñ ich erkenne/das meine
krafft nichts sey. Also ist diser vers mit den zweyen vol-
genden/nichts daß eine danck sagüg für die gnade/das
vns Got tröstet zur bösen zeit/wen die Tyrannen vnd
Fetzer toben/wie wir gehört haben.

In der stille bleyben/ welchs Duma heyst auff **E**breisch/ ist ein ander stille dann droben gesagt ist. Wenn lich/ wenn eyn ding gar nichts mehr ist/ das man nicht mehr sibet/ noch höret/ noch fület/ wie die todten sind/ die gar auß den augen vñ synnen künien sind. Darumb es bey den Ebreischen für die helle/ das ist/ für den ort/ da die todten sind (es sey was es wölle) genummen wirdt. So wil er hie sagen/ Mein seele/ das ist/ mein leben wet re gar zu nicht wordē/ wie ein todt vñ vergrabē mensch. Dann so war im zu synn zur bösen zejt.

18 Da ich dacht/ meyn füß ist gefallen/ So labet mich **HERR** deyne güete.

Das ist auch ein stück des dancks/ Darinne er zeyget/ was er für gedanken hatte zur bösen zejt/ So dacht ich (spricht er) mein füß sellet/ Das ist/ ich sieng an zu ver zweyffeln/ vñnd maynet nicht anders/ ich müste vnter gehē/ vñ die gotlosē ewiglich bestehē. Daß ein yegliche rechte anfechtung sol also gethan sein/ das sie den menschen ins verweyffeln bringe/ vñ scheyne nicht anders daß das die widersacher gewonnen vñ er verlorne habe. So kumbt daß die güte Gottes vñ labet in/ das ist/ er tröstet in durch die heylige schrift/ wie droben gesagt ist/ das die gotlosen nicht sollen hynauß füren/ vñ die seinen nicht verlassen werden.

19 Da ich viel bekümmernus hatte inwendig ergetzet beyne tröstunge meyn seele.

Der vers ist fast eynere meynung mit dem vorigen/ Daß der vorige meldet die gedanken der verweyfflung/ so er hatte zur bösen zejt/ vñ wie er da labfal hat von Gottes gnaden in der schrift empfangen. Diser vers aber redet von den mancherley gedanken/ die einer hat in solcher verweyfflung/ wie er wölle oder möchte davon künien/ Da gedencet er hieher vñ daher/ vñ sucht alle winckel vñ löcher/ findet aber keyne. So spricht

nun. Do ich in solcher marter war/ vñ mich mit meinen gedanken schlug/ suchte hie vñ da trost/ vñ fandt doch nichts/ do kamest du mit deinem trost/ vñ ergetzet mich vñ hieltest dich freundlich zu meiner seele mit sprächen vñ Exempeln der heyligen schrift/ Das ich wol mag sagen. Selig ist der/ den du suchtest vñ lereest durch dein geseze.

20 Hat auch der vn selige stuel mit dir gemeynschafft/ Welcher arbeyt ertichtet mit geboten.

Pfu mal an/ was machen doch vnser lerer vñ prediger/ das sie solcho nicht auch leren wie man die seelen sol mit der schrift trösten/ wie gar gleychē oder reymen sie sich nicht zu dir/ vñ jr stül hat keyne gemeinschaft mit dir/ Du lereest gar vil anders daß sie/ Auff dem stül sitzen sie/ Sie sind lerer/ die schlüssel zum erkentnis haben sie/ Aber was leren sie? Jamer vñ hertenlayd leren sie/ Dann das wörtlein Sawoth heyst vnglück vñ hertenlayd/ wie wir auff Teütsch von einem buben sagen/ du wirst eyn vnglück anrichten/ Das ist/ du wirst ein vntugent begehen/ da dir hertenlayd vñ alles vbel begegē wird/ D; also vnglück hie alles beides begreiffe beyde die missethat vñ die straffe/ So nennet er hie den stül Sawoth/ die laydigen prediger/ die den leuten alles hertenlayd anlegen/ damit das sie vnrecht leren vñ leben/ dadurch sie dann in Gottes straffe fallen/ Binden/ knüpfen vñ ir machen die gewissen können sie wol/ Aber trösten vñ laben können sie nicht.

Also auch/ arbeyt tichten sie mit gebotten/ das ist/ sie tichten vil gesez/ gebieten diß vñ das/ vñ machen den leuten vil arbeyt/ Wie Christus spricht Matthei. xxiij. Sie Binden vntregliche bürden/ vñ legen sie den leuten auff den hals. Vñ das alles/ das man Got solle damit bewegen/ solche plagen vñ verfolgung abzuwenden/ Vñ wöllen schlechts mit wercken dem vbel weren/ da

sie doch solten gedult leren/ vñ auff Gottes gnaden vñ
barmhertigkheit trawen. Gleych wie zu vnsern seiten/
wen ein vnfall fürhanden ist/so predigt man/ das man
Procession gehen / fasten / diß vñnd das thun soile.
Summa arbeit macht man/nicht allein den leuten mit
schrecklichen gebotten/ Sunder auch den glocken vñd
ferzen vñd weyrauch/ vñd des gleychen/ Aber in des
leret niemant gedult noch Gottes güte/ So haben der
Juden lerer auch gethan/ wie er hie klagt/ Dann das
wort Got/ dñ hie stehet/ heyst eygentlich die gebot so mä
teglich ordenet vñ setzet/ welche man Ceremonias oder
eussertliche geberde nennet. Vñd spricht/ das der laydige
stül ertichte vñ erfindt sie/ Das ist/ Got hats in nicht be
solhen/ sunder sie spinnen es auß irem eygen kopffe.

21 Sie rüsten sich wider die seelen des gerecht
en/ Vñd verdammten vnschuldig blut.

Das können sie auch wol/ das da sie trost vñd Gots
tes gnade leren solten/ da stehen sie so feste vñd halten
so steyff vber iren ertichten gebotten/ das/ wo man es
nicht halten wil/ oder da wider redt (wie dann die ge
rechten thun) da ist keine gnade noch gedult/ sie rüsten
sich wider sie/ alle waffen/ gewalt vñd krafft erregen sie
wider sie/ Vñd müß diß der aller grösste streyt/ die aller
grösste rüstunge sein/ das nicht genug ist am schwerdt/
Sunder/ wasser/ feur/ erden/ lufft vñd alles müß wider
solche gerechte sechten/ Vñd verdammten also vnschul
dig blüt/ da sie doch maynen/ sie thun Got einen dienst
dian/ So gar nichts reymet sich ir stül mit Gottes ge
setze vñd lere. Das sind die Ketzer vñd falsche lerer/ das
von wir droben gesagt haben/ Aber wie die Tyrannen
iren lohn empfangen/ also werden dise irem vrtel auch
nicht entfliehen/ wie volgen wirdt.

22 Aber der **HER** ist meyn schutz/ Mein
Gott ist eyn hort meynes zñuersicht.

Sie leren/ toben/ würgen/ wie sie wollen/ Ich bin
doch wol sicher für in/ vñd gewaltigklich vertheidinget/
Dann Got ist mein schutz. Vñser lere müß bleyben/ je
tichten müß vñter gehen/ Das Got ist vnser schutz. So
werden wir auch für inen wol bleyben/ es sey hie oder
dort/ Das vnser Got ist vnser hort/ darauff wir trogen
vñ sicher sind/ Nicht aber alleyn das/ sunder er wirdt
sie auch/ darzu/ als eyn Got der rache/ vernilgen/ Wie
volget.

23 Vñd er wird in jr vnrecht vergelten/ vñd
wird sie in irer bosshheit verstoren/ der **HER**
vnser Gott wirt sie verstoren.

Da stehet das endlich gewiß vrtel/ das Gott ire
bosshheit wirdt nicht vngerochen lassen/ sonder sie alle
verstoren in irer bosshheit/ das ire bosshheit müß auff
hören. Vñd das wirdt thun vnser Got/ Das ist/ Des
wort wir füren/ welchen sie für keinen Got achten/ vñd
meinen Got sey auff irer seiten/ wie wir droben gehört
haben. Wer nun solchs glaubt vñd von Got ge
lert ist/ der kan gedultig sein/ die gotlosen
toben lassen/ vñd auffß ende
schawen/ vñd der zejt
erharren.

Ende.

X

D v

Der Hundert vnd neunde -psalm.

Der Titel.

Eyn psalm Dauids hoch zu singen.

Was das hoch singen sey / ist oben gesagt / Den psalm aber hat Dauid im geyst gemacht von Christo / welcher redet den ganzen psalmen in seyner eygen person wider Juda den verhetzer / vnd wider das ganz Judenthum / vnd verkündigt / wie es den selbigen gehen werde. Also fñret auch S. Petrus diesen psalm Acto. i. von Juda / da sie an seyne stat Matthias welen / Nicht das er alleyne von Juda rede / sonder wie S. Petrus daselbst spricht / Juda sey dz haubt oder fñrnehmest gewest / das Christus gefangen vnd gemartert ward / Auch Christus selbst vor Pilato bekennet das Juda die gröfste sñnde gethan habe / das er in uñberantwort habe. Darñb gehet der psalm fñrnehmlich wider Juda / Aber doch auch wider alle die mit Juda sind vnd in seynem wercke bleyben vnd folgen / wie hie im psalm Christus selbst deñtet vnd spricht / So mñsse es gehen all die mit wider sind / Dñ also diser psalm von Juda anhebe vnd gehe vber alle die Judas art an sich haben / als da sind alle vberfolger vñ Kotten wider Christus wort / Denn die selbigen leñtern allhumal die warheit / vnd verfolgen die rechten Christen / Wider die selbigen ist diñ eyn schrecklicher psalm / Denn er flñcht vnd verkündigt so vil vbel den feñnden Christi / das etliche diesen psalm haben ins gerñcht bracht / das die Mñnch vnd Nunnē in sollen betten wider ire feñnde / Vnd wo er wider yemand gebettet wñrde / so mñste der selbige sterben / Das sind aber lñgenteydinge vnd merlin.

Warumb flñcht der Christus so vbel / der doch verpñnt vnd leret Matth. vi. man solle nicht flñchen / Vnd er auch selbst am Creutze nicht flñchet / wie S. Peter spricht / Sonder bittet fñr seine flñcher vnd leñterer / wie ich oben auch von der rache fragte / Ist kñrlich die antwort. Liebe flñcht nicht / rechet sich auch nit / Aber der glaube flñcht vnd rechet. Das zuuerstehen / mñstu von cynander scheyden / Got vnd menschen / Personen vnd sachen / Was Got vnd die sache angehet / da ist key ne gedult noch seggen / sonder eytel eyfer / zorn / rache vnd flñchen / Als das die gotlosen das Euangelion verfolget das trifft Got vnd seyne sache an / Da ist nicht zu seggen / noch glñck dazu zu wñnsche / sunst mñste niemant auch wider keyerey predigen noch schreyben / syntemal solchs nicht mag zu gehen / on flñchen / Denn wer da wider sie predigt / der wñnscht ja das sie vntergehe / vnd thñt das ergest vnd beste dazu / das sie vntergehe. Das heñsse ich nu glaubens flñche / Denn ehe der glaube liefse Gots wort vntergehen / vnd keyerey stehen / er wñnscht ehe das alle creaturn vergiengen / Denn durch keyerey verleuret man Gott selber. Also ist das flñchen Christi in diesem psalm nicht vmb seyner person willē sonder vmb seynes ampts vnd words willen / das der Juden irthumb wil sich bestetigen vnd das Euangelion vntertretten / Da wñnscht er / das sie vntergehen sollen / vnd keyn glñck mit irem Judenthum haben / gleych wie Mose Num. xvi. bettet / Das Got Corah gapet nicht solt hñren / noch ir offer annemen / Darumb mñsse es geflñcht / vbel gewñnscht vnd rache gepeten seyn / wider des Euangelion verfolgung vnd irthumb / vnd wider die / so solch vnglñck treiben vnd anrichtē.

Aber die person sol sich nicht rechen / sondern alles leyden / dazu auch dem feñnde gñts thun / nach der lere Christi vnd der liebe art / Denn hie regiert die liebe vñ nicht glaube / vnd gehet mich / vnd nicht den glaube an Als im gleychen / Eyn Christ mag richter seyn vnd den

in der verurtheilen vnd tödten/doch nicht vmb seinen willen noch das seyne drynne zu süchē/sonder vmb der andern willen vnd von ampts wegen/Solchs ist denn gleich so vil als hets got selbs gethē/Den seyne ordnung thut. Summa/Flüchen vmb Gots wort willē ist billich/Aber vmb deynen willen/oder dich selbs zurechen oder das deyne zu süchen/ist vnrecht. Vnd in solchem fluch ist seyn/das man Gottes namen nenne/vñ durch Got flüche/gleich wie mā auch bey seynē namē schwert vnd segnet. Also stehet geschriben. iij. Reg. ij. Das Elisa flüchet den Findern Bethel im namen des HEREN/das sie die Bern zurißten. Vnd Sacharie. v. flucht der Engel also/Der HERE straffe dich Satan/Vnd Paulus Acto. xxiij. Der Herr schlahe dich du getünchte wandre. Spricht er nu also.

1 **G**ott meynes lobes/Schweyge nicht

Allemeyst klagt er in disem Psalm vber die meuler der gotlosen/welche allezeit die lere Gots angreyffen vnd verdammen/damit sie vrsache gewynnen auch zu tödten die selbigē lerer/als thetten sie recht/Vñ ist der hader gang vnd gar vmb der lere willen/Darüb ich auch gesagt habe/das in disem Psalm der glaube vnd die sach flüche vnd nicht die liebe oder person/Dz wil auch das er sagt/Got meynes lobes/Als solt er sagen/Du sihest/das sie allzumal mich vmb deyns worts willen schenden/lestern vnd verdammen/Ich aber habe niemand der mich lobe/denn du mit den deynen/Darumb schweyge nicht/Das ist/lobe/preyse/verklere vberdinge mich/vñ beweyse/das ich recht lere/Gleich wie Christus spricht zum vater/Verklere mich/auff dz dich deyn Sun verklere/Gib geyst/thu wunder vñ zeichen/damit meine lere bestetigt werde/So verklere ich denn vnd predige dich/das du rechter Gott vnd meyn vater seyst/so glaubt man denn mir/vnd werden beye

de verfleret.

Got meynes lobes/wie wol es im Latynischen vnd Teütschen laut/als das ich Got lobe/ So ist doch im Ebreischen so vil gesagt/als/ Got lobet mich/oder ich habe niemandt der mich lobet/dann Got/Gleich wie das Psalm. lxxviij. Got meins heyls/nicht heyst/das ich Got helffe/sunder das er mir helffe. Vnd Got meiner gerechtigkeit/Psalm. iij. heyst nicht/das ich Got gerecht mache/oder zum recht helffe/Sunder er hilfft mir/das ich recht bin vnd recht behalte/Also hie auch Got meins lobes/Das ist/Got helt vber meinem lobe. Er verfleret vnd ehret mich/weyl ich vmb seynen willen muß vertünckelt/gelestert vnd geschendet werden.

2 Denn die falschen meuler der gottlosen haben sich wider mich auffgethan/Vñ reden wot der mich mit lügen zungen.

Das ist/wie gesagt ist/Sie beliegen vñnd lestern mich schendlich vñnd felschlich/das meyne lere/deyn wort/muß irthüm/kererisch/auffrührisch/vñ edampe sein/Darumb schweyge du nicht/vnd lobe mich wider ir schelten vnd schenden. So muß gehen allen Euangelij predigern.

3 Sie bereden mich mit heffigen worten als lenthalsen/Vñnd streyten wider mich on vrsache.

Das ist/ir giffte reyst weyt ein vnd frist vmb sich wie der krebs/als Paulus spricht/das sie vil verführen/vñ machen mich mit solchen heffigen worten/feindselig vñ vnwerd für yederman/fechten also wider mich on alle vrsache/dan ich lere die warheyt/derhalben sie mir billicher solten züfallen vnd beystehen/so fechten sie wider mich.

4 Dafür das ich sie liebe/sind sie mir wider/
Ich aber bete.

On vrsache (sage ich) dann ich beweyse in vil liebe damit/das ich die warheyt inen sage. Aber für die liebe muß ich haß vnd heffige wort vnd nachreden empfangen. Was sol ich aber thun in solchẽ fall? Ich bete. So leret auch sant Paulus die Epheser. In alle dingen lasse ewer gebet mit bitten vnd dancksagung kundt werden für Got. Als solt er sagen. Was sol man doch thun? Sie können wolthat nicht leyden. Wolan/so muß mans Got Befelhen vnnnd sich zum gebet halten. Ach wie eyn from kindlein ist die welt/Vbels wil sie nicht haben/güts kan sie nicht leyden. Kat/was wil sie denn haben? Zellisch seht vnd den teuffel darzu/da ringet sie nach/das wirdt jr auch begegen.

5 Sie thun mir böses vmb güts/ Vnnnd haß vmb liebe.

Lieber/sihe wie nahe redet er vnserm Herr Got/vñ wie gewaltig er Betet. Sie haben doch Keyne vrsache/(spricht er) das sie wider mich streyten/leret ich doch die warheyt/das weyßtu. So haben sie vil weniger vrsache das sie mir böses thun/dann ich thū inen eytel güts/so haßten sie mich. Das also beyde/meine rechte lere vnd gute werck vnd wunder von in gehasset vnd verfolgt werden. Was sol ich nun mehr thun? Was wil doch hie vbertig sein/dañ das sie werd sind/Beyde mein wort vnd werck zu verlieren? Das ist/Das sie verflucht werden/dann sie wollen schlechts Keynen seggen noch güts. Nun mag nicht anders sein/dañ wer güts nicht wil/der muß böses haben/Wer nicht wil gesegnet sein/der muß verflucht sein/wie nun weyter auch volget.

6 Setze gottlosen über in/ Vnd der Satan stehe zu seyner rechten.

Schrecklicher gewilcher fluch vnd vnglück hab ich in aller schrifft nicht gelesen/dañ diese zwen vers geben/welche alleine Billich solten erschrecken/vnd alle welt zusehen machen allen/die Gottes wort verfolgen vnd anfechten. An hie spricht er. Setze gottlosen vber sie. Dis seggen heyst Ebreisch/Pikad/das ist/Bestellen vnd ordnen zum ampt/wie man Bischoffe/Pfarrer/Prediger/oder auch weltliche Herrn vnd amptleute einsetzt. Also ist hie die meynunge/weyl sie mich vñ meine lere schlecht nicht leyden mügen/vnd wöllens aller dinge so haben/so laß gehen/Laß vber sie falsche lerer/Rotten geyster/vnd eytel gottlose Prediger vnter sie kummen/die sie eytel lägen/gottlose lere/vnd irthumb leren/vnd von einem irthumb in den andern führen/So wöllens sie es habẽ.

Darzu Sathan stehe zu irer rechten/Das ist/Der Teuffel durch seyne Apostel/reyte sie also/das/ob sie gerne herauß wölten vnd maynens fast gut/vnd sich stellen als wölten sie zur rechten vnd gerne recht vnd warheyt wissen/So sey der teuffel da vnd verstelle sich als eyn Engel des liechts/vnd hindere sie/halte sie mit solchem scheyn vñ schönen gedanken vñ Worten auff/vñ verstocke vñ verblende sie/das sie mit mügen herauß kummen/ob man inen gleych die warheyt so helle vnd dñre für legt/das sie es greiffen möchtẽ. Solche straffe sehen wir heutes tages in den Jñden/das sie nicht weichen von irem synn/ob sie wol wissen/das sie vberwunden sind mit der schrifft. Wer machts? Nicht vernunft noch menschliche blindheyt (dann die were zusehen) Sunder/wie hie stehet. Sathan stehet zu irer rechten. Also haben alle Bezger gethan. So thun yetz vnser Rotten geyster vber dem Sacrament/So thut auchs Dabstumb.

Er redet aber als von einem vnd nicht von vilen/so er doch bißher vber vile geklagt hat/Dann es gehet fürnemlich vber den vertheter Jnda/welcher (wie gesagt ist)den hauffen fñret wider Chrustu als der haubt

man. Aber allen die seiner art sind/widerferet des gleychen/do er Christu nicht mocht hören/müßte er die gotlosen hohe Priester hören. Vnd ob er wol rewe hatte hernach/stellet sich/als wolt er recht faren/Kam er doch nicht wider/sunder verweyffelte/dann Sathan stünd steiff zu seiner rechten/vnd behielt in.

Von solcher straffe redet sant Paulus auch zu den Thessalonichern/das Got krefftige irthumb sende zu denen/die nicht haben die warheyt angenommen/vnd müssen der lügen glauben. Vnd Christus Johannis. v. Ich bin kumen in meines vaters namen/vnd ir nemet mich nicht auff/Eyn ander wirdt in seynem namen kumen/den selbigen werdet ir auffnemen. Eben so gehets yetz auch bey vns in Teütschen landen/Vnd wirdt noch mehr werden.

7 Wenn er gericht wird/müsse er verdampft ausgehen/Vnd seyn gebet müsse sünde seyn.

W furchte vnd demütige sich alle welt für Gottes wort/wie gewulich laut doch das: Alle sein lebē (spricht er) das er füret auff alle heyligste/vnd nicht anders maynet/dann er füre es nach Gottes wort auff alle beste/das müsse verdampft vnd für Got eyn vnchristlich Teüfflich leben seyn. Was hilfft sie nun so groß/streng/hartes leben: so vil fasten/zucht vñ der gleichen seyner werck: Dazü spricht er/wenn er betet zu Got (welchs sie doch fast starck treyben) sol nicht alleine vngehört/sunder auch sünde seyn/das sie durch ir gebet noch mehr verdampft werdē/wie Christus Math. xxiij. den heuchlern auch drawet/die lange beten.

Das wort/ Wenn er gericht wirdt/Ist von dem gericht gesagt/welchs durch die lere vñ predig geschicht/soman der selbigen mit dem werck volgt/dan im vorliegenden vers redet er vom predig ampt/Drumb ist diß gericht

nicht nicht anders/dan das recht oder lere/darinn das böse geurteylt vnd gestrafft/vnd rechts leben gepredigt wirdt. Also redet der. cxij. Psalm vñ dem predig ampt zu Jerusalem/Da selbst sitzen die stüle zum gericht. Vñ Isaia. ix. auch Jere. xij. sagen/das Christus solle mit gericht vnd gerechtigkeit regieren. Summa/das gericht oder recht/ist die lere/darnach sich die gewissen sollen richten vnd leben/das man das böse meyde vnd gütts thū. So sind nun diese gotlosen so geplagt/das sie gericht vnd recht holen/Das ist/sie lassen in predigen vnd rathen vnd böses straffen/vnd maynen/es sey so recht/faren herauß/thū also/vnd bringens ins werck wissen aber nicht/das solchs alles verdampft ist welchs sie gar für köstlich ding halten/vnd den hymel damit maynen zu verdienen/Dan die gotlosen haben ir wesen warlich auch ins regiment gefasset/straffen böses/loben güttes/vnd gehet sein im gericht vnd recht daher/gleich/wie bey den Jüden ir Chalmud/bey vns Christen das geyslich recht/bey den Türcken der Alkoran/Vnd ist doch alles verdampft teüfflich ding.

8 Seyner tage müssen wenig werden/Vnd seyn ampt müsse eyn ander empfangen.

Disen vers füret sant Peter Acton. j. da er spricht/Sein Episcopat müsse eyn ander nemen/Vnd deüters da hyn/das sant Mathias an Judas stat ist kumen/vnd ist recht/on das vns das Kriechisch wort Episcopat/vnd nun Teütsch Bistumb/selzam lautet/die wie solche Bischoffe vñ Bistümbe sehen/der weder Judas noch sant Peter keynes gesehen hat/Dann Episcopus oder Bischoff/heyß eigentlich nicht anders dann eyn Aemptman/vñ Bistumb eyn Aempt. Vnd ist hie des worts gleychen das droben gesagt ist/Seze gotlosen vber sie. Kurz/es heyß/ampt vnd amptleüte/dann sie sollen Christus amptleüte seyn vnd seynen Befehl auß-

richten/ Das ist/ sie sollen predigen vnd helfen predigen. Wie das yetz die Bischöffe thün/ sihet man wol. Darumb haben sie auch das ampt verloren/ vnd sind andere an ire stat kumen/wie Mathias an Judas stat/ Dann sie sind Judas worden.

Wil er nun sagen/ Judas vnd sein volck die Jüden/ sollen billich das Apostel ampt haben/ vnd das Euangelion führen/ aber sie wollen nicht/ Darumb kumen Mathias an Judas stat/ vnd die Heyden an der Jüden stat vnd predigen das Euangelion/ das ihene predigen solten/ vnd inen verheissen war. Also/ weyl die Bischöffe nicht predigen/ vnd dem Pabst volgen/ irem Judas/ so sollen ander kumen/ die nicht Bischöffe sind/ vnd ire ampt führen vnd predigen.

Das ist/ das er sagt. Seyner tage müssen wenig werden/ Das ist/ er sol nicht lange bestehen. Diß ist auch leyblich an Juda vnd den Juden war worden/ dann Juda hieng sich bald/ so wurden die Jüden auch bald hernach von den Römern verstorzt. Vnd volget nun weyter/ wie es den Jüden/ Judas volck solle gehen/ daß wie gesagt/ er redet sunderlich von den Juden/ wie wol es auch alle gotlose lerer trifft auff seine weyse.

9 Seine Kinder müssen wayssen werden/ Vñ seyn weyb eyn widwe.

Das ist/ des volcks der Jüden Kinder vñnd weyber solt so gehen/ Wie daß geschach/ do ire menner erschlagen wurden durch die Römer in der verstorzung Jerusalems.

10 Vnstete müssen seyne Kinder seyn vnd beteln/ vnd suchen/ weyl ire behausunge verstorzt ist.

Alle plage/ die geystlich vnd leyblich sind/ ersetet er vber die Jüden/ Dann das volck sehen wir für augen/

wie sie seyd der zept irer verstorzung vnstete sind/ hie vñnd da außgetrieben werden/ vñd niergent gewiß sitzen/ vñd müssen allenthalben beteln/ nicht vnbs brot/ sunder vñb wonung in landen/ Daß sie müssen an allen endē wonig sūchē/ seind ire wonung im Jüdischē landt verstorzt ist/ vñ haben niergent kein eygen landt/ stat/ dorff noch regiment. Vñd solt doch diser verß die Jüden wegen/ weyl sie sehen/ das inen allein vñd sunst keinem volck vñter der Sonnen so gehet/ Dann kein volck ist/ es hat ja eygene Dörffer/ Stette vñd Landt/ on die Jüden alleynē/ die sind allenthalben vñd haben niergent nichts eygens/ Landt/ Stat/ oder Dörffer/ sind all zūmal vñgewisse geste vñd beteler.

11 Es müsse der wücherer auß saugen alles was er hat/ vñnd frembde müssen seyne erbeyt rauben.

Es solt wol widersinnisch zū gehen/ daß diser verß sagt/ weyl die Jüden berühmte wücherer/ yederman auß saugen/ wo sie sind. Aber der Psalm wil so vil sagen/ das sie kein glück/ sunder eytel vñglück sollen haben an leyb/ seel/ kindern/ güt vñd ehre/ Dann ob sie gleich fast wüchern/ so kumbt eyn grösser wücherer dann sie/ vñd nymmts in doch/ wie das ander teyl sagt/ das frembde ire arbeyt rauben/ Dann es gehet den Jüden also/ das wenn sie lange samlen/ so kumbt eyn vnfall/ das man sie veriagt/ beraubt/ strafft/ vñd nimbt inen was sie haben/ wie sie wol wissen vñd teglich klagen.

12 Vñ müsse niemand seyn der im wolchat be weyse/ Vñ niemand erbarme sich seiner wayssen.

Herr Got/ das ist all zū war/ Man helt die Jüden für hunde/ Vñd wer inen layds thū oder sie schabert
E ij

nackeln kan/der leßt sich düncken/er habe wol gethan/
Dann weyl sie vnd ire kinder nicht wöllen Chrißtu an-
nehmen/ist keine Barmhertzigkeit da/vber die verstock-
ten leute/noch leyden sie es/so feste stehet Satan zu irer
rechten/vnd hoffen vmb sunst eins bessern.

13 Seyne nachkumē müssen außgerottet wer-
den/ir name müsse in eynem glid vntergehen.

Hie kumbt er wider auff vile vnd spricht/ Ir name/
nicht sein name. Das wir sehen/wie er vō eyn ganzen
volck redet. Das ist alles erfüllet/seind der verstockung
Jerusalem. Daß seind der zeit ist kein Jüdischer mensch
kumen/der etwas were geacht in der Christenheyt vnd
für Got/Sunder mit den Aposteln/welche die letzten
waren die eyn namen behalten haben/ist ir gedechtnuß
vnd namen gar auß/so sie doch vorhin/so vil väter vñ
Propheten gehabt haben/der name biß auff heutigen
tag nicht schweyget/Sunder ir lere vñ leben in aller
welt prieset/der haben sie aber seind der zeit keinen ge-
habt. Vnd ist also bey eines menschen gedechtnuß/alle
ir name vnd ehre auß.

Dann das sie solten alle auch leyblich außgerottet
sein/vnd vnter sich selbs keynes mehr gedechtnuß sein/
das were wider die obgesagten versß/das ir nachkumen
sollen Betteln vnd elend leyden/Sol das sein/so müssen
sie ja nachkumen haben/Aber bey Got vñ gottes volck
gelten sie nicht mehr/wie doch ire vorväter vñ Propheten
gelten/Sie warten wol auff eynen Propheten der
gelten solle/Aber da wirdt nicht auß. Diser versß sagt/
es sey auß mit inen gewest seind der Apostel zeit.

14 Seyner vetter missehat müsse gedacht
werden vor dem HERREN/Vnd seyner mü-
ter sünde müsse nicht veralget werden.

Serner (das ist dises volcks der Jüden) Vnd ist
die meynung/Es müsse geschehen/das man in aller welt
sage/wie S. Steffanus Acton. vii. zu den Jüden sagt
Ir habt allheyt dem heyligen geyst widerstanden/wie
ewer väter also auch ir/Daß so sagt man Billich/gleich
wie der Jüden väter vnd müter/Das ist/ire vorfaren/
allheit den propheten vngheorsam waren/also sind yetz
ire kinder auch/Daß sie glauben eben den selbigen Pro-
pheten nicht/welchen ire väter auch nicht glaubten/ist
einerley vnglaube. Setten ire väter geglaubt/so hetten
sie die Propheten nicht erwürget/Glaubten die Jüde
yetz den selbigen Propheten/so würden sie Chrißtu an-
nehmen. Aber sie bleyben in irer väter sünde/so vergisset
sie Got auch nicht/vnd straffet so lange sie sündigen.

Ich möchte gerne wissen/was doch die Jüden zu
disem Psalm sagen künden/Sie müssen ye bekennen/
das die schrift vō inen rede/wie S. Paulus Roatij sagt
darzu zwingen alle versß/das sie vō eim Jüdischē man
rede/der solchs vnter den Jüden leydet vnd flüchet/er
sey Dauid oder wen sie wöllen/So stymet die erfahrung
mit dem Text/das vber keyn volck solche flüche gehen
vnter der Sonnen/daß vber sie/wol fünfzigehen hant-
dert Jar lang. Dauids feinden ist ja nicht so gangen.
Aber Ihesu Christi feinden den Jüden/gehors gleich/
wie hie stehet/da kan man nicht für vber. Aber wie ge-
sagt ist. Vernunft were wol überwunden/Satan stehet
zur rechten vnd leßt sie es nicht verstehen.

15 Sie müssen sein vor dem HERREN all-
wege/Vnd ir gedechtnuß müsse außgerottet
werden auff erden.

Das ist/die selbigen sünde irer vorfaren (dauon ge-
sagt ist) sey ymmer für dem HERREN/dann sie lassen
auch nicht dauon/So kan Got ir gebet nicht erhören/
noch ire werck annehmen/darumb bleyben sie auch ym-
mer

mer für dem ZERREISS/ dz ist/ sie erregt ymmer dar auff
neue irer vater sünde/ durch ir verstockt hertz/ weyl sie
ymmer anhalten/ vnd bleyben also ymmer verdampfte
Juden/ wie er sie droben gemalt hat. Darzu ir gedechtniß
wirdt außgerottet auch auß erden/ Nicht das man
solte nichts von inen wissen/ sunder das man sie nicht
mehr fñret in predigen vnd exempeln/ wie ire vater vnd
Propheten/ Gleich wie der. xv. Psalm sagt. Ich wil ir
nicht mehr gedencken in meinem munde. Dañ gedechtniß
nñß in der schrifft/ heysß nicht/ das man eines gedencke
(sunst were Judas/ Pilatus/ Herodes ymmer im ge-
dechniß) sunder das man in ehümet vnd lobet/ vnd
ein gñt geschrey vñ im hat/ welchs alles Juda vnd den
Juden nicht geschicht/ sunder man schilt sie ymmer/ vñ
der zeyt an da sie zerstört sind durch die Römer.

Sölchs ist alles von den Juden in sunderheyt ge-
sagt/ welche sich an Christo selbs veründigt/ vnd Ein-
der vnd nachkumen haben. Aber die Ketzer/ Rotten vñ
Babstumb/ die nicht kinder haben/ haben auch ire platz
ge/ das sie zu letzt vnter gehen/ vnd ir gedechtniß auß-
gerottet wirdt/ das sie nymmer gelten/ Wie yetzt dem
Babstumb geschicht/ dauon sunst genñg gesagt ist.

16 Darumb/ das er nicht dran gedacht/ dz
er wolthat beweysete/ sondern verfolgete den
elenden vnd armen/ vnd den mit betrübten her-
zen/ das er in tödte.

Droben im andern Psalm ist auch gesagt vñ denen/
die eine hangende wand vñ zñstossen zaun vollend nit
der treten/ welchs er hie mit klaren Worten deutet vnd
sprucht. Es sey ein solch böß Büben stück/ das sie sich an
eynen elenden/ armen/ vñ sunst genñg bekñmmerten
menschen machen/ dem sie billich auff helfen vnd trö-
sten solten/ vnd wie er hie sagt/ wolthat beweyssen/ So

thñn sie im das aller ergetzt/ vñ helfen im nñr zum tode/
wöllen dannocht got einen dienst daran gethan haben
Gleich als zu vnsern zeyten auch vnser zornige Fürsten
vnd Bischoffe vñ geleerte heuchler/ lassen den Türcken
vnd irs gleichen wol mit freiden/ wie grosse Ketzer vnd
verführer sie auch ymmer sind bey in geachtet/ die wand
stehet zu feste/ vnd der zaun wehret sich/ Aber wo etwa
ein armer Bürger/ oder elender Pfarrer vnd Prediger
ist/ der kaum das brot hat/ vnd alle not leydet/ an den
selbigen machen sich die zornige Fürsten vñ Bischoffe/
der müß leyden/ da haben sie eyne hangende wand vnd
gebeugeten zaun funden/ da werden sie Ritter hie auff
erden/ vñ verdienen darzu den hymel. Sie hat der
löwe eyne mauß gefangen/ vñ leß sich duncken/
er habe den lindwurm überwunden. Sölchs Adels
vñ Junkern ist Teütschlandt yetzt vol/ die in den Bier
heusern pestilenz vñ Deyts tanzen/ Vñ nñr das
messer stözen können wider arme elende weertlose leute
Als denn sind sie vom Adel/ Psu/ welch heylose leute/
ja sew vñ wilde thiere sind doch wir Teütschen/ das
so gar kein adeliche gedanck oder müt in vns ist/ auch
nach der welt.

Nun Got (spricht er hie) wirdt ir widerumb nicht
vergessen/ daß er hat ire bößheyt außgerednet/ vñ ob
sie für der welt für frumme redliche leute werden geachtet
So helt er sie doch für mörder vñ böse wichter/ Dann
hie sihestu/ wes er sie zeyhet/ vñ was er inen für na-
men vñ sache zu schreybt. Ersilich/ das sie nicht ge-
dencken ein mal wol zñthñn dem armen vñ elenden/
Das ist/ sie sind vnbarmerzig/ auch gegen die elenden
Darumb sie auch on alle barmerzigkeit müssen ver-
derben/ wenn sie auch in not vñ elende kumen/ auff
das inen gemessen werde/ wie sie gemessen haben. Zum
andern/ das sie nicht alleyn vnbarmerzig sind/ son-
der verfolgen noch darzu die selbigen elenden zum todt
das ist doch vber die maß gestündigt/ wenn man auch

die elenden verfolget vñ würet/welchen doch die wil-
den thiere vñ vnuernünftige creatur gerne helfen.
Ja wer glaubt aber/ das sie für solche bey Got gehal-
ten werden/Vnd das solche gewaltiche vrtel vber iren
kopffe schweben/ vñ alle stunde diewen: Da gehörien
geystliche augen zu/ biß die erfahrung kumme/ wie den
Juden geschehen ist.

17 Vnd er liebete dē fluch /der wird jm auch
kumē/ Vnd wolte des segens nicht/so wird er
auch ferne genug von jm kumen.

Das ist/ Er wolt schlechts verflucht vñ vermalet
deyer sein/ vñ verflucht sich selbst/ so grosse lust hatte
er zu seiner verfluchung/ Nicht das sie öffentlichen fluch
lieben/ sonder der heylige geyst zeygt mit den Worten ire
gewaltiche tumberliche Blindheyt vñ verstockunge an/
das sie das für seggen halten/welchs der ergeste fluch ist/
Vnd widerumb das für fluch/welchs der edleste seggen
ist/ Als do die Juden für Pilato vber Christū rüfften/
Sein blüt kumē vber vns vñ vnser kinder. Ich mayne
ja/das sey ein fluch der sie noch hart gnüg drückt. Dann
nocht hielten sie es für den besten seggen/ Daß sie dachtē/
Vñ wir disen vbeltheter vmbbringe/ist wolgethā für
Got/wöllens wagē/ wñ m̄ vns drumb diewet/wissen
wol/ das ey seggen dafür vber vns kumēn wirdt/ dar-
umb laß frisch her gehen sein blüt vber vns/Also wol-
ten sie auch des segens nicht/ do sie in verurtheilten zum
Könige zu haben/ vñnd sprachen. Wir haben Keynen
König/ on den Keyser/ als solten sie sagen/ Der teuffel
habe disen König/es were eytel fluchen vñ vnglück ic.

Also thut yetz das Babbumb mit den seinen auch/
Sie sind dem Euangelio feindt worden vñnd habens
verdampft/was man in diewet/das halten sie für seggen
Ja sagen sie/ der teuffel begere deynes Euangelio ns/ vñ

Got behüte mich für deinem gebet. Ich wil aber wagen
vñ warten deynes diewens ic. Wenn nun solche leute
schon keyn ander vnglück hetten/maynstu nicht/es sey
vnglücks genug/ein solch verstockt/ verblendt/ verher-
tet hertz haben/das weder sihet noch höret/ vñnd im
schlechts nicht sagen leß/ feret da hyn/ vñnd maynet/es
gehe im seggen vñ nicht im fluch/ vñ scheucht den seggen/
als einen fluch? O herr Got laß vns andere sünde thūn
denn solche/so wir ja sündigen sollen.

18 Vnd zoch an dē fluch / wie sein hembde/
vñ ist in seyn inwendigs gangen wie wasser/
Vnd wie öle in seyne gebeyne.

Sie zeygt er an wie tieff solche verstockung in iren her-
zen steckt/vñnd wie fest sie sitzt/das sie schlechts nicht
sind zu bekeren/Da ist verloren alle predig/vermanen/
diewen/singen vñ sagen/Vñ er malet solchs mit drey
erley gleychnis ab. Zum ersten/mit dem hembd odder
kleyd/Gleych wie ein mensch on hembd/odder on das
nehest kleyd am leybe nicht seyn kan/den man nicht na-
cket gehen sol/das also sein kleyd teglich an seynem hal-
se sein muß/Also hanget den Juden auch an die ver-
stockung/das sie den fluch lieben / Da ist keyn rath/sie
kñnnen on solche verstockung nicht sein/ Ist auch ir teg-
licheübung/gleych wie ein teglich kleyd am leybe han-
get. Vber das meinen sie dennoch/es stehe in woll an/
vñ sey recht vñ thun wol dran/gleych wie einem sein
kleyd wol anstehet vñ thut recht/das ers trage / vñnd
thete vnrecht/wo er on kleyd nacktet gienge/Also die Ju-
den meinen auch/sie theten schendlich ding/ wenn sie
die verstockung ablegten.

Zum andern/Wenn eyn mensch wasser oder sunst
etwastreinet/denn durch wasser die keyseyche sprach
allerley tranck/vñnd durch brod allerley essen versterhet)

vnd ist nu so fern hineyn kumen/das verdawet vñ zum
fleysch vnd blüt worden ist/Wer wil das wider heraus
bringen? Da hilfft keyn badt/schweyß noch erzney/es
ist zur natur worden/vnd wie er hie sagt/in sein inwen
diges kumen/es müß drynnen bleyben/vnd mit im/vñ
er mit im zur helle ins ewig fewr farē/Also gehets auch
den Juden/ire verstockung ist so ferne in sie kumē/das
gleych jr natur worden ist/vnd können nu nyßer mehr
anders thun/Noch meynen sie/es sey güt ding/ja es sey
eytel labfal/vnd edler tranck der sie erquickē/dürst le
sche vnd sie wol neere/Denn sie trincken vñd trencken
sich teglich damit/vnd erhalten sich damit/gleych wie
eyn mensch teglich mit trincken sich labet/kület/quickt/
vnd erhelt/Denn sie leren vnd hören solche flüche/mit
lust vnd grosser begirde/gleych wie eyn dürstiger mit
grosser begirde trincket/Das heyst/meyn ich/den fluch
lieben.

Sum dritten/redet er hie von öle/Das ist/von güt
tem öle oder balsam/da man sich mit salbet/wie denn
des bawm öles art ist/das es dem leybe seer nützlich ist
macht gerade/starcke/gesunde/schöne vñd geschickte
gelider/Verhalben die Kempffer ire leybe mit öle pfles
gen zu salben. Wenn nu sich eyn mensch mit öle odder
salben schmiert/vnd so ferne bringet/das durch beyn vñ
marck gehet/wie denn die güten salben thun nach irer
art/Wer wil das wider herans bringē: kan mans doch
schwerlich aus flaydern bringen/Da hilfft auch keyn
wasschen noch wischen/seggen noch keren/man müste
beyn vnd marck sampt der salben zu schmelzen/vñ k
me dennoch nit heraus. Also ist der fluch vnd verstock
ung der Juden so gar durch hertz/müt vnd syn gange
durch marck vnd beyn getrieben/das da keyne hilffe no
ch rath ist/Sondern in der hellen zurschmelzt müssen
werden/vnd doch nicht davon gefegt oder reyn werde
Dennoch meynen sie in des/Es sey eyne köstliche salbe/
vnd solche lere sey in so gesundt/als das öle dem leybe

vnd achten/sie werden damit starck/seyn/schön/angene
me vnd gleyssend vor Got/wie das öle den fleysch macht
vor den leuten/Schmierren sich ymmer damit/ye lens
ger ye mehr.

Das sehen wir auch an den Juden teglicher erf
rung wol/wie steiff vnd verstockt sie sind/von kind zu
kindis kindern/So giftig vnd heftlich können sie von
Christo reden/das vber alle masse ist/Denn sie haltens
für eytel fluch vnd giff/was wir von Christo glauben
vnd leren/Meynen schlecht nicht anders/den Christus
sey ein böser bube geweest/der vmb seynes bösheyt wil
len sey gecrüzigt mit andern büben/Drumb wenn sie
in nennen/so nennen sie in schmechlich Thola/Das ist/
den erhengeten/Denn weyl sie das glauben/das Jhesu
sus eyn bube sey geweest/so kans nit anders sein/sie müs
sen vns Christen für die aller tölichsten vnflätigsten leu
te halten/so vnter der Sonnen sind/Weyl die vernun
fft hie müß sagen/das/wenn heute eyn mörder geköpft
würde/vnd morgens kumen etliche leut/vnd betten in
an/vnd hielten in für eynen rechtē Got/das were doch
vil herrischer/denn so yemand eynen floz oder steyn an
bettet/vnd künde nicht herrischer sein. Zu dem schlegt
nu/das wir Christen auch böse sind vnd böse exempel
geben/Also werden sie allenthalben verstockt vnd geer
gert/das solcher fluch müß wol durch beyn vñ marck
gehen vnd so tieff vergifften/das sie nicht mögen her
aus kumen/vnd den gecrüzigten Jhesu für eynen Her
ren vnd Got haben/Vnd bleybt also bey in eyn lecher
lich ding/das wir Christen eynen bübischen vnd ver
dampnen Juden anbetten/als wenn wir Kain oder Ab
salom für Götter anbetten/Da stecken sie/das öle ist in
ire gepeyne gangen/das wasser verdawen sie on auffhö
ren/O eyn schrecklich vnteyl vñd exempel Göttliche
zorns.

19 So werde er jm / wie eyn kleyd das er an habe / vnd wie eyn gürtel / da er sich allerwege mit gürtet

Das ist / Es geschehe jm wie er wil / vnnnd der flüch / den er ja haben will / müsse jm anhangen / Müsse das Euangelion für gift vnd flüch vnd Christum für ey nen bissen halten / Er sey vnd bleybe also verstockt / das Got die hand abe thū / vnd gebe seynen geyst vnd wort nicht vnter sie / das sie bekeret werden / wie er auch Isa. v. diewet / Ich wil meinen wolcken gepieten / das sie nit vber sie regenen sollen / Nicht das gar keyn Jude nym mer mehr zum glauben kumen müge / Denn es müssen noch etliche brocken vber bleyben / vnnnd etliche eynzele bekeret werden / Sonder das Judenthum / welchs wir das Jüdische volck heissen / wirt nicht bekeret. Es wirt auch das Euangelion nicht vnter sie gepredigt / auff dz dadurch der heylige geyst raum bey in sünde / sondern / wo sie beysamen sind / vnd ire schulen sind / da bleyben sie bey irem flüch vnd gift / das sie Christum verflüchē vnd iren gift für heyl / vnd flüch für seggen halten müssen. Aber nichts desto weniger springen zu seitten etliche von dem hauffen entzelen abe / auff das Gott den noch des Samens Abiabe Got bleybe / vnnnd sie nicht gar verstoffe / wie S. Paulus spricht Roma. xi.

Vnd hie siehestu / das er von dem teglichen kleyde vñ gürtel redet / nicht vom kleyde das im fasten ligt / odder vom gürtel der in der laden ligt / sondern den er teglich treget vnd anhat / zū bedeynten den verstockten synn / das non sie nymmer mehr lassen / vnd den verherten flüch / da mit sie teglich vmbgehen vnd nicht ablassen / vnnnd meynen / es stehen in wol an.

20 So geschehe denen vom HERRT die mir widder sind / Vnd reden böses wider meyne ne seele.

Das gepet in disem Psalm ist erhört / vnd wirt so gehen allen feyn den Christi / fürnemlich aber den Jude welche er sonderlich meynet / vñ das werck in der offentlichen erfahrung beweyset / Denn es ist alles zuthun vmb das wort oder reden / das sie wider Christum leren / flüchen / verdammen vnd lestern in / wolten in gerne vnter haben. Das heyst / sie reden böses wider meyne seele / dz ist wider meyn leben / wolten gerne / das ich stöbe vnd verdörbe / so hart sind sie mir wider. Aber der Got seynes lobes schweyget nicht / preysset vnnnd erhöhet in / ye mehr sie in verflüchen vnd verdammen.

Vnd hie mügen wir vns auch alle wol fürchtē / sonderlich alle Ketzer vnd falsche lerer / Denn es gilt in auch was Christus bittert. Wo der vnfall kumpt / das man in eynem flüch Christus meynung ferlet vnd eyne eygen meynung leret / Da gehets alles dahyn / vnd ist der ganze Christus verloren / wie er selbst sagt Matth. v. Wer der geringsten gepot eynes außlöset vnd leret die leute also / der sol auch der geringste im hymel seyn / denn nicht eyn jota oder tütel sol vergehen / 2c. Darnach fellet man drauff / vnd gehet solcher syn wie wasser in das inwendigste / vnd wie sie durch gebeyn vnd marck / vñ wirt das tegliche kleyd draus. Da hebt sichs denn / das eyn teyl das ander verflücht / vnd eyns yeglichen teyls lere ist dem andern teyl eytel gift vnd flüch / vnd seyn eygē lere eytel seggen vnd heyl / wie wir das sehen yetzt auch an vnsern Ketzer vnd Papisten / Sie ist denn verlorē / der hauffe bekeret sich nicht / Eynzele vnd wenig / welche Got erwelet / die kumen wider zu recht / Die andern bleyben in irem flüch vnd gift / wie die Juden / vñ halten für löstlich ding. Das ist denn / das er hie sagt / wie alle feyn de Christi lieben flüch vnd hassen den seggen / dabey sie auch bleyben. Darumb spricht auch S. Paulus Tit. iij. das man den Rottischen menschen solle meyden / nach zwo vermanunge / denn er ist verkeret. Ich habe auch nie gelesen / das die lerer / so Ketzer an

heben/Beferet sind/Sie Bleyben in irem dunckel versto-
ckt/das sie ist durch marck vnd beyen gangen/vnnd ir
wasser ist fleisch vnd blut/gantz ir natur worden/sie la-
ssen in nicht sagen noch weeren/Das ist die sünde in
den heyligen geyst/die keine vergebung hat/Deñ sie hat
auch keyne büsse noch rewe/sonder vertheydigung vnd
entschuldigung/als sey sie heylig/Eßflich ding/vñ das
recht Euangelio/so wider sie leret/eytel Teuffels ding.

21 Aber du **HERR** **HERR** thu an mir vñ
deynes namens willen/deñ deyne güete ist lieb-
lich/errette mich.

Sie leret er sich wider zu Got/vnd bit auch für seyne
sache/das sie gefordert werde vnd oblige/dann es müß
beydes sein/das die gotlosen endlich vnter ligen/vnd
die gerechten gewinnen. Er spricht aber/seine sache sey
nicht seyn/sunder Gottes selber/Dann das macht eynt
dürstig vñ freydig hertze für Got/zü bitten für sich
wider die gotlosen/wenn man gewiß ist/das wir vñ
Gottes wort vñnd werck willen/handeln vñnd leyden/
nicht vñs selbs suchen. Dñmb spricht er. Thū an mir
vñb deines namens willen/Das ist/Du siehest ja/das
die sache mich angehet/deinen namen/dein wort/deine
ehre preys ich/so lestern sie das alles/Lessestu mich/so
verlessen auch deynen namen/Aber das ist vñmüg-
lich. Was sol er aber an im thūn? Die liebliche güte/die
freundliche wolthat/das er in errette/wie volget. Vñd
errette mich/dann die errettung ist lieblich vñd süesse
denen/so in not vñd angst stecken/wie er spricht.

22 Denn ich byn elend vñd arm/Meyn hertz
engstet sich in mir.

Das verstet man wol auß dem leyden Christi/das er

nicht alleine eufferlich elend vñd arm war am leybe/vñ
yederman verlassen vñd verfolget/sunder auch inwen-
dig betrübt vñd geengstet/vñ alle lesterüg vñ schmech-
wort hören müste/Welche fast wehe thūn/auch allen
frummen Chrißlichen hertzen/denen die warheyt Gottes
lieb ist.

23 Ich gehe dahyn wie eyn schatte dahyn
fleucht/vñnd werde außgesteubert wie hew-
schrecken.

Saren wie eyne schatten/ist so vil als vnstete seyn/
hyn vñnd her saren/wie der windt die wolcken treybt/
das die schatte keynen gewissen/sichern/eygen ort hat.
Wie Job. vii. stehet/von aller menschen leben geschri-
ben. Der mensch lebt ein kleyne zeyt/vñ fleucht wie eyne
schatte/vñd bleybt nicht. Glichen herst hie nicht wie die
vögel stiehen/sondern wie Dauid für seynem sun Ab-
salom floch/vñd Jacob für seynem schweher Laban/
Auff Ebreysch Barah/Das so vil sey gesagt. Der men-
sche müß weichen vñd dauon/er wirdt getriben vñnd
kan nicht bleyben. Also spricht hie Christus auch/das
seyn leben in der welt also sey gethan/das sie in nicht ley-
den kan/iagt vñd treybt in von eynem ort zum andern/
bis sie in gar veriage/wie der windt die wolcken treybt.
Also gehet es dem Euangelio auch/Wyergend ist ley-
delich/die welt webd vñd bleset so lange/bis sie es ver-
iagt/mit seynen leeren.

Außgesteubert werden wie hewschrecken/ist eben
dasselbige. Es ist bey vñs aber finster vñd dunckel ge-
redt/die wir des thieres Arbe nicht kennen noch seyne
art. Wir heysens hewschrecken/Es sind aber nit hew-
schrecken/sondern den hewschrecken odder heymen ge-
leych. Es ist eyn gemeyn thier inn Morgenländern/vñ

die Parther vnd Mozen effens/darzu auch vnser hew
schrecken vnd zeymen/wie die Walen froch vñ schne-
cken effen. Sant Johannes der Tauffer hat auch die
selbigen Arbe gessen/ wie die Euangelisten schreyben.
Es sind aber solche thierlein die keyne augen haben/
scharren aber seer mit den flügeln/darumb halten sie sich
zusammen vnd stiegen mit grossen hauffen on König/
wie Salomo sagt in seinen Sprüchen am. xix. vnd wo
sie nider fallen/da fressen sie auff alles was grünet/ das
in den selbigen lenden ein Landrecht ist/ des jars drey
mal sie zu vertilgen mit mans krafft. Ein mal wenn sie
eyer legen. Zum andern/ wenn sie aufgeheckt haben.
Zum dritten/ wenn sie erwachsen sind. Vnd ist eine sun-
derliche landplage von Got/ wenn sie künien/ wie eyne
theure zeyt/ Pestilenz/ oder Krieg/ wie Egypten landt
auch damit geplagt wardt/ Exodi. viij.

Zweyerley weyse werden sie gedempfft/ eyn mal mit
waffen vnd mans krafft/ wie yert gesagt ist. Zum an-
dern/ das ein windt kumbt (von Gottes ordnung) der
sie nimbt vnd wirfft ins neheste Meer oder See/ wie in
Egypten geschach. Also schreybt Isata vom Könige zu
Assyrien/ das sie sollen gescheycht vnd verlagt werden/
wie die Arbe wenn man vnter sie rumpelt. Desselbigen
gleychen Nahum cap. ij. spricht auch/ das die Fürsten
zu Ninne sollen züragt vñnd zu scheucht werden/ wie
die Arbe. Das man wol sihet/ wie die Propheten diser
gleichniß gebrauchet haben/ wenn sie wollen reden/ von
einem verlagten vnd vertribenen Könige oder person/
gleich als wir in vnsern landen möchten sagen vo den
Dolen oder Freyen/ weñ man sie auß iren nesten mit iren
jungen vertribet vnd verlagt. Also wil nun hie Chri-
stus sagen/ Er sey vertriben/ zu strewet vnd zu scheucht
zu steubet wie die Arbe/ Welchs auch geschach/ do er
gefangen/ vnd seine Jünger in verliesen vnd zu strewet
wurden. Wie es den noch teglich gehet vnd allzeyt gan-
gen ist!

gen ist/ das/ wenn sich eine verfolgung wider die Chri-
sten vnd Gottes wort erhebt/ ein gescheych/ gelegte/ vñ
zurtrennen hebt/ Das wol diser versmag Christus vñ
seiner Christen Titel heysen. Vnd diß Ebreische wört-
lein Naar/ heysset außsteuben/ oder außschütteln/ wie
man eynen mantel außschüttelt oder außsteubet. Vnd
wir reden auff Teütsch also/ wir haben sie außgesteu-
bert/ Daher man die jaghunde Steuber nennet/ die die
hasen vnd wild auff scheuchen vnd steubern/ das die
hasen auffaren vnd dahyn wischen/hie vnd daher wie
staub/ Das heyst züstoben vnd züstogen/ wie der windt
den staub züstrewet/ Vnd die hunde die winde heysen/
auch dem wild vnd hasen thun. Wenn nun Christus
so spreche/ Ich werde/ außgesteubert/ wie das wild von
steubern vñnd winden wirdt außgesteubert/ So were
es fast leicht/ vnd leicht gewest vns Teütschen.

23 Meyne Enye sind schwach von fasten/
Vnd meyn fleysch ist mager das keyn fet hat.

Das ist/ Sie sind vol vnd satt/ Ich aber müß hun-
ger vnd not leyden/ Wie auch sant Paulus sagt zu den
Corinthern/ Wir leyden hunger vnd durst/ Das Chri-
stus vnd seynen jünger oft an speyse gemangelt habe
ist keyn zweyffel/ daß er war ja arm/ vnd die reichen ga-
ben jm nichts. So wil er nun sagen/ Was machen sie
doch/ das sie mich verfolgē/ der ich so arm bin/ hab ich
doch weder gelt noch güt/ Ja solte ich von jnen erneeret
werden/ ich müste wol hungers sterben. Nun thun sie
nicht alleyn das/ das sie mich nicht neeren/ sonder ver-
folgen mich auch darzu/ Dañ so solt auch gehen in der
welt/ das die rechten Prediger/ nicht das brodt zu essen
haben/ allen mangel/ iammer vnd not leyden/ Die ver-
fürer aber sollen genüg haben/ Ja groß Fürstenthumb

besitzen/auff das diser verß war bleybe/Christus müße hunger vnd not leyden/Daß diser verß wil nichts/dan das man Christum vnnnd die seynen nicht neeret in der welt/sunder auch verfolget/wie er daß sagen wirdt am jüngsten tage/ Ich war hungerig vnnnd ir speyset mich nicht.

24 Vnd ich war ir spot/wenn sie mich ansahen schüttelten sie iren kopff.

Der vorige verß sagt/wie die welt Christum nicht neeret/diser sagt wie sie in auch nicht ehret/sunder spot tet vnd veracht. Summa/güt/ehre vnd leben kan die welt Christo nicht gönnen/sondern armüt/not vnnnd elende müs er tragen/schande/hon vnd spot müs er haben/schmerz vnd todt müs er leyden/sampt allen den seynen. Also wil er nun hie sagen/Was ich redet oder thet/das müß verspottet seyn/Da rümpften sie die nasen/schüttelten den kopff vnd warffen das mauß auff/sie hielten für narheyt vnd nichts. Was solt ich doch mehr thun: Alles göts thet ich in/So thun sie mir alles leyd/wie er droben sagt. Sie thun mir böses vmb göts alles böses vnd vbel leyd ich von in/noch wollen sie meyn nicht. Wolan so mügen sie faren. Sie haben keyne entschuldigung/Ich hab mehr denn genög bey in gethan.

25 Stehe mir bey **HER** mein Got/**hilff** mir nach deyner güete.

Da beschleußt er den Psalm/das Got wolte mit im seyn/vnd der Jüden vnd aller seynen feynde bößheyt/dazü seyne gerechtigkeit/offenbar machen/damit sie

zu schanden werden/vnd er bey ehren bleybe/vnd das alles vmb seynen güete willen. Denn bißher hat er angezeigt/was für flüch vnd vbel im widerfare/durch ie verstocktes vnd verblendtes hertz/Tun bittet er/das solchs durch Göttlich vryel auch für aller welt offenbar werde/auff das auch der scheyn vnd das gleyssen/das sie noch haben/abgenumen werde/vnd vor aller welt zu schanden werde/vnd also beyde in sünden vnd schanden müssen strecken bleyben/wie wir dann sehen/das den elenden Jüden yetz gehet.

26 Das man erfare das diß beynehand ist/
Das du **HER** solchs thust.

Ob sie es nicht mercken wollen/das solchs alles/was du an mir vnd an inen thust/deyn werck sey/das doch für aller welt offenbar werde/vn yederman müße sagen. Wolan/das ist gottes werck/das die Jüden also gar vnter gehen vnnnd vnter ligen/Christus aber also oben schwebt/vnd zu nimbet/Menschen krefft hetten nicht vermöcht.

27 Fluchē sie so segene du/lehne sie sich auff/
so müssen sie zu schanden werden/Über deyne knecht müße sich frewen.

Laß nichts gelten noch helfen/das sie mir vnd den meinen fluchen/Sunder ye mehr sie fluchen/ye mehr du segene. Vnd lehnen sie sich etwa wider mich auff/das laß nür bald vnd zu schanden werden. Ich maine/diser verß solte den Jüden schier bekant sein. Hilff Got wie oft vnnnd in vil landen halten sie eyn spiel wider Christum angericht/darüber sie verbandt/erwürgt/

vñ veriaht sind. Es fehlet nicht/weiß sie sich aufflehnen
so künien sie in alle schande/werden temerlich verbrant
oder veriaht. Aber Christus vñ die seinen bleyben frey-
lich in Got/ als die dadurch bestetigt werden in irem
glauben.

28 Meyne widersacher müssen mit schmach
angezogen werden/ Vnd mit irer schande be-
fleydet werden wie mit eym rock.

Da künbt wider die gleichnuß dioben vom fleyd
gesagt/ das eyn teglich anhangen sey des fluchs/ Aber
hie redet er von der öffentlichen schande für der welt/
die sie vñ solchem fluch haben/ Als solt er sagen/ Gleich
wie sie den fluch im geyst anziehen/ als ein teglich fleyd/
also laß sie auch eyn öffentlich schandt fleyd eusserlich
tragen/ damit sie für aller welt/ für meine seynde erkant
vñnd veracht werden/ Das sünde vñnd schande zwey
tegliche fleyder seyen/ sünde für Got/ vñnd schande für
der welt. Vnd sonderlich nennet er hie den rock Mail/
welchs auff Ebreisch heyst den langen rock der auff die
füße gehet/ Als solt er sagen/ das sie eytel schande müs-
sen haben/ von der scheyteln bis auff die versen.

29 Ich wil dem **HERN** fleysig danckē
mit meynem munde/ Vñnd in rhümen vñter
wilen.

Das ist/ an solchem vrteyl vñd werck/ wirstu das er
langen/ das man dich von hertzen lieben vñnd loben
wirdt/ als der du ein solcher Got bist/ der sich der elen-
den so väterlich annimbt/ vñ leset sie nicht vñter ligen/
noch die gotlossen/ iren trost hynauß faren/ Solchs

sprechen wir auff Teütsch also. Ach herr Got/ we-
dich doch nicht rhümen vñd preysen/ für aller welt vñ
an allen enden/ Das du so gnediglich den armē hilffst/
vñ die stolzen/ verächter vñnd Tyrannen so gar mecht-
iglich störest vñd straffest/ wie volget.

30 Denn er stehet dem armen zur rechten/
das er seyner seele helffe von denen die seyn seele
richten.

Das ist/ Gottes ewigs vñd teglichs lob/ das er sich
der armen vñd nidrigen annimbt/ vñ nicht die grossen
hansen vñ stolzen Tyrannen seyret/ wie sie doch may-
nen/ Sunder er hilffst/ Ach ja/ er hilffst freylich/ nicht al-
leyne auß zufelligen nöten/ sonder auch von denen/ die
sein leben richten/ verdammten vñd vrteylen zum todt/
als einen kexer vñd versüerer/ Dañ diß wörllein/ Rich-
ten/ deütert hie die thenigen/ so im ampt sitzen vñd rich-
ten/ als weltliche oberkeyt/ Dañ da halt mans nür frey
für/ das weltliche oberkeyt nymer mehr wirdt gar vñd
ganz Christen werde/ sonder allzeyt das merer/ gröste/
höchste teyl/ wirdt Christum/ sein wort vñd die seinen/
verfolgen/ wie auch der ander Psalm sagt. Warumb
toben die zeyden vñd die könige auff erden/ lehnen sich
auff/ vñd die fürsten ratschlagen mit einander wider
den Herrn vñd seinen gesalbten. Sie hörestu/ das der
Könige vñd fürsten tugent sey/ wider Got vñd Chri-
stum sechten/ das thün sie auch. Aber es gehet in auch
widerumb darnach/ das sie porzeln vñd gestözt wer-
den von iren stülen/ einer nach dem andern da-

den von iren stülen/ einer nach dem andern da-
hyn/ wie der selbige Psalm vñd
andere mehr auch
melden 2c.

Gedruckt durch Hans Zerrgot.

1 5 2 7

